

Kwascha Laulawadi Yarat Markus

*Yohanna læ Sæt Baptisma Tahsanda Banda Yəso
di*

¹ Leya kweshcha shunda kæ dar Yəso kərəsti hweya Fara.

² Nda i yaranda tapənaa Ishaya hi tə ndatwa: "Ni thlən læ thlənda mban le na tahsanda mbandeku di.

³ Burata nifə le naka atfata hur loktara, le naka ndatwa tahsan mbanda læ Mwanda di kæ pupwenangguni mbachikən'en hi."

⁴ Bak Yohanna nakna basa hur loktarə tə ndatwa: "Chikawuni kətərənhi kæ sangfichə Baptisma kæ kalang fichə bəbichitfechi'enhi."

⁵ Nat nofchi Yahudiya tə Urshelima dəknda bæd'en tərəkəndəhi saən baptisma kanda a suhwad Urdun.

⁶ Yohanna njela'en pom ngelupa kənaən mumi'en tə poma, dəsəmtə'en mbecha tə decha.

⁷ Ndakənwa yuna bata diffitəna le nak mwanchin mə njang chika sahət pahəmchi'en səkwisi kæ koppihi kæ kwasayihiwa.

⁸ Saayi Baptisma kuni tə ama pad nakna sət ikən tə Chidchid chit Shemeda.

Sa Fichə Baptisma Yəso

⁹ Hanmunchiniyu bak Yəso thlata Nazarat a thlet həmət Galili. Yohanna saən baptisma a suhwad Urdun.

¹⁰ Nak Yəso cheta kisha hur ama chatkichuyu nakən in'afshi hi bak Shemedā Fara hai kə dər indi'en nda ngungwidnga.

¹¹ Səkkə nofchə burata a afshi tə ndatwa: "Sokən naka hwe'engna le yahti pad lela səkti mbənkənfa."

Kəkada Shedan Yəso

¹² Chatkichuyu pəkkə Shemedā Farə ndə kə hur loktara.

¹³ Mundə kumchit fwadā Shedanna kəkādanda a hur loktara. Məla hur loktara tə də hərəmcha nak mala'ika Fara kəssandəsi.

Tirke Yəso Tora Galili

¹⁴ Diffitəkən kəsang fichə Yohanna, bak Yəso kə hachahai Galili nakna basə kweshcha shunda Fara.

¹⁵ Ndakənwa: "Bed hanmunchəkən nduk. Fara yehsə chedanda kuni wa kutur nakən. Chikawuni kə tərənhi, fəram kit kə kwescha shunda Fara."

Ed Yəso Tərka Kimshechi'en

¹⁶ Nak Yəso bərtəhi tə mi suhwad Galili, nakən Siman tə Andarawus hwanman Siman kanda muh langtanganga kəthləm fa tumchə naknda.

¹⁷ Ndang Yəso kandəwa: "Kuramnji ni sandəkuni kəfa bat tə nofcha mbədengna."

¹⁸ Chatkichuyu malangndə tum tincha kurəkəndəndə.

¹⁹ Nak Yəso witə kə ban, nakən Yakubu hweeya Zabadi tə Yohanna hwanmankən a hur komm-bawal, kanda tahsandə langtangchengnanda.

²⁰ Akən kanda malkəndə shinnandəhi, Zabadi hur kommbawal tə tahət fa torcheng nanda kurəkəndəndi.

Yəso Riktə Bəbi Shemedā

²¹ Baknda Kafarnahum, bak farə yipta Yahudawecha, yimkə Yəso bət humta Yahudawechihi, nakna sakanda kandəhar.

²² Shekda ng i'ndə kandə tə witə sakiniyu, nda nifə səkkəsi, nga nda malndəmcha thlahbət Musa wa.

²³ Nifəsa hur bət humta Yahudawechikənhi tə bəbi Shemeda fa hwakən,

²⁴ ndakənwa: "Mə kəmkə tə kani Yəso lə Nazarat ta? Baku kə təkangnə kanihiwa? A shini ndu wunnaku. Sokən naku Chidchid le baka mbəda Fara."

²⁵ "Bokang Yəso bəbi shemedkənhi ndaənwa ngasu ba, chukisha fat'en!"

²⁶ Bəbi shemedkən nakna saktanda məla hwata cheknakisha fat'en.

²⁷ Pəđang ənatkən nofchəkənfa sahangndə ndani witə mə leya? Yuwa sakandadi tə səktəsiwa? Nđangna bəbi shemedchəkənwa kə chendakish pad səkkəndəndi.

²⁸ Kusheng i sət Yəso yu səkkəficha a hachahai Galili nat.

Kənnə Yəso Nofcha də oi

²⁹ Diffitə chendengnanda kisha bət humta Yahudawechihi, pəđang Yəso tə Yakubu tə Yohanna kə hura'a nda Siman tə Andarawus.

³⁰ Nak thlabər Siman hahchin hafat kakənnda, chatkichuyu bwa'angnda Yəso.

³¹ Dək Yəso bəsndi kəskən har'en thlaən, chat kənkəna dadi nakna sət tor dəsəmta.

³² Diffitə həmta farəhi ngomang ndə haacha tə fa bəbi luwurcha,

³³ Nofchi hur həmətkən ngomkənda kish kə mi hura'a,

³⁴ Kənanɔ Yəso hachəkənadi tə fa bəbi luwurcha, paɖ malawutə fa bəbi luwurchəkən kə shuwunndəwa kəthləm shinndəndi.

Pidet Yəso Hwanda Bədi Nguchit Nifəsi

³⁵ Thlaakəna bingtə tung, mwee bət shumma kə bət nguduk ka hwanda.

³⁶ Siman tə tahət nofchəkən naknda katndi.

³⁷ Mbəsangnda, ndangndəwa: "Chikawun mələ kassa."

³⁸ Nɔdang Yəso kandəwa: "Tama hwanhəmchi naka ban, kənni basa pənniyu paɖ ndəkən cheka bat tə nji."

³⁹ Wu'yaən hachahai Galili nak na basa bət humta Yahudawechihi nak na chandə bəbi luwurcha kish.

Kəna Yəso Nifə tə Tarkwinda fa

⁴⁰ Bak nifə tə tarkwinda fa, kopkənhi nakna hwanandə tə ndatwa: "Ma yehnəsi kənītəna ɖadi."

⁴¹ Hadaən Yəso fa, təkə'ən harfa, ndakənwa: "Yehisi kənu ɖadi."

⁴² Chat kichuyu yimkə tarkwiinkənhi kənkənadi.

⁴³ Nɔdang Yəso wa pəɖu kə mbwa'ana nifəwa,

⁴⁴ "Mbwa'ana chikawunwa, pəɖu ɖu chedan faɖə ku Pərist kə fərnə i la fərtə fīcha ma kənafichə nifa ɖadi nda ənnənə sakandə Musa kuni har yu, kə sokka ənnat səndəwa kinnadi."

⁴⁵ Pəɖakən nakna mbwa'anda nofcha nakna fanandə shuwunkənhi ka'ən, kəthləm ndəkən Yəso mbələ'utə kaləfathi a thlet hwanhəmchəkənwa. Pəndakən kə bət ngunduk, paɖ nak nofcha bata mbəɖ'en chika tə teni.

2

Kəna Yəso Nifə le Saka di

¹ Diffitə hwanmunchəkən dimek, ngərang Yəso in kə Kafarnahum, səkkə nofchəwa mələhuri.

² Bak nofchə oi, pad mwa'u bətsəwa taa kə mikənnda, məlan pad nakna basa pathla Fara kanda.

³ Ndəkən bat nofcha mbəd'en tə tərəd, nofchə fwada tərəkədi.

⁴ Mbəsundə bət kə thləmatkən ndukwa, kəthləm yakat nofcha tərəkəndə tə dar kətənkən, pa-hangndəhi fərkəndənda hai kə mbanitə Yəso a dar bət hunat'en.

⁵ Nak Yəso fər kitchidengnandəhi, ndangna le sakadiyuwa: "Hweya kalu fichə bəbifechekuhi."

⁶ Maldəmchi fərkə kit kə kussa Musa yu nak dədassa mbənniyu naknda yarandəhi hur hanndəkikecheng nanda.

⁷ "Kəthləm mi nat nifiya shundə kichuyu? Mb-witə i nguchik keeke kə bəda Fara, wunla kalang bəbichitfata nifəhi manga Faruwa?"

⁸ Tangtang ned Yəso hi hur shemed'en i nannda yara, ndangna kandəwa: "Kəthləm mi natuni yarə kichuyu hur hanndəkikechengnuni?"

⁹ Len nak pa'pa i? kə ndangna le sakadiyuwa kalufichi bəbifandekuhiwa ndu kəndangnəwa thla'u tərū bət hunadeku kə wii nə witekuwa?

¹⁰ Kəthləm kəsənuniwa alchita hweya nifəsi kə kalən bəbifathi a hur kishi'iya, ndangna le sakadə təkənwa:

¹¹ "Ndukiwa thla'u tərū dəngleku kə pədana dadi kə hure'eku."

¹² Thlaakən tukwas tərəkən ndəngl'en chek-nakissha hur hurəkən, ɓanitə chikawuni, shekn-dang ində kanda naknda mwanandə Fara, ndangndəwa: "Tamwuma nat ən kicheyawa."

Ed Yəso Lawi

¹³ Ngərəkən chetakish paɗ kə mi hawurta, ɓak ngom nofcha ɓəɗ'en, paɗ sakangnakandə har.

¹⁴ Nakna mbərtəhi, nakən Lawi hweya Halfa ɗas ɓət thlət chamta, ndaənwa: "Kurunji" thlaakən kurukənndi.

¹⁵ Nak Yəso səm'əna a hurhura'a Lawi tə fa thlət chamcha tə fa ɓəɓichitfata, tə kimshechi'en kəthləm nofchə kə'ən kurukəndi.

¹⁶ Kə nat maldəmcha fa sakandə ndelwercha Musa ɗi fichile naka Farisiyawecha, Yəso mələ səm'ən tə fa ɓəɓifecha, tə fa thlət chamcha, ndangnda kimshechi'enwa kəthləm mi natna səm'ən tə fa thlət chamcha paɗ tə fa ɓəɓifecha?

¹⁷ Kə səktə Yəso kandə kichuyu, ndangna kandəwa: "Nofchi nak ngwalngwal hi, kəmwu ən kandə tə lə fər hanɓəbaawa, fichile nak hahchin na kanndi. Buwi kəthləm kə i fichile fərkə kitwa, ɓaki kəthləm fa ɓəɓichitfata".

Sahhami Yəso kə Dar Cherə Ama

¹⁸ Nakənya kimshecha Yohanna tə Farisiyawecha kanda cherə ama. ɓak nofcha mbəɗa Yəso sahangndəwa: "Kəthləm mi nat kimshecha Yohanna tə i Farisiyawecha cherə ama paɗ ichiwa kanda cherə amwa?"

¹⁹ Ngəmang Yəso wa, təkənənət səmat pera nata thləmat shikechikən kənnda cherə ama? Ngu nat kichuwa, ma mwe səmat perəkən tə kandəwa.

²⁰ Hanmunchəkəna bəta le nat fīcha tərəndə səmat perəkəna thləmannda farinəyu nanda chərə ama.

²¹ Nifəsi na bəmandə yuwa njela'a tə dōhət nje-laawa kəthləm ma shid kichu na dōhət njeləkəna thlahtadi ka'ən.

²² Nifəsi na thlər yuwa am innabi kə hur dōhət kupat wa, kəthləm nan fəltə dī pad nu kubat i hurkənyu tə kupatkən nat. Kəthləm dəkən naku thlər yuwa am innabi kə hur yuwa kupata.

Yəso Ləmwanda Məlan na Farə Yipta

²³ Farəyipta nak Yəso bərtəhi tə hur hitə hwarma, nak kimshechi'ena bwerət hwarəm kəna mi.

²⁴ Ndang Farisiyawechəwa: "Nu, kəthləm mi nannda sət i ngəməwuchit kustəkən kə səfīcha farə yipta?"

²⁵ Ngəmaən kandəwa: "Tamwuni changn-gandəwowa, i sət Dauda yəhkən dəsəmta kəthləm mitafi'en, kandang tə nofchi'en fīchile naka thləmatkənwa?"

²⁶ Yim kəna kətən mwanandə Fara a thlahbədi nat Abiyata kə kapat Pərist, chiikən njohmi tah-sandə fīchihi kəthləm kapat Pərist le kamuchiksi kə chii nifə somənwa, kapat Pərist ndak kamkəsi kə chi'ən. Pad fərangna fīchile naka thləmatkən yu.

²⁷ "Ndang Yəso kandəwa, sək fīchə Farəyipta Yahudawecha kəthləm nifa, su fīchə nifa kəthləm Farəyiptəwa."

²⁸ Kəthləm ndəkən, Hweya Nifə məlan naka Ləmwanda nat tə i Farəyipta."

3

Nifa le Sat Har'ennadi a Kafarnahum

¹ Farə le yimkə Yəso bət humta Yahudawechihi, nakən nifa le sat har'enadi.

² Nak nofcha kəlandə ndu na Yəso kənandadaɖi farə yipta kəthləm kə mbəsndə i nannda təramiyafa

³ Nɖang Yəso le sat har'ennadiyuwa: "Thla'u thlaru mbanitə nofcha."

⁴ Sahang Yəso kanda: "Mə mbutə kustəkən kəsəficha Farə Yipta? kafatwa ndu bəbichitfatwa, kə həkang fichə shishshingtəwa ndu kə bəlang fichəwa?" ngaskəndə shetəta.

⁵ Kəlang Yəso kanda tə səb hur ka'ən kəthləm kwaakwaachit hanndəkikechengnanda. Ndaənwa: "pupwanan harekuhi." Pupwanaən hi kənəkənadi.

⁶ Chek Farisiyawecha tə wesha kə bənda nofcha Hiridus kəthləm kə tahsangndə mbayihi nannda bəlandə Yəso.

Nofchə oi Kurəkə Yəso

⁷ Thlaakə Yəso tə kimshechi'en kəmi hawurta, kurəkə nofchə ndə oi thlata Galili nat tə nofcha Yahudiya,

⁸ səkkəndə ichi nat nanna sətta, yakat nofchə ka'ən baknda mbəd'en, thlata Urshelima, Edom tə hachahai Urdun taa kə Taya tə Sidon.

⁹ Kəthləm rahanda njekthlə-njekthləchitta nofchihar, ndangna kimshechi'enwa ɖama kəlam han kommbawal har ərta, kəthləm terə nofcha məninda təkaharfa.

10 Kənanndə nofcha dadi oi, nat fa hafecha nangnda bahtə nduk kəthləm kə mbunangndəharfa.

11 Chika kwat nat bəbi shemechikən ndi chat kopkəndəhi kanda kukwara ndangndəwa: "Sokən naka hweya Fara."

12 Tiidaən thləmechengnanda kə mbwa'anda nifə ndu wunnakənwa.

Ted Yəso Kimshechi Kumngərənsə Chap

13 Tərkəna dargwiya akən fichile yahtən baknda bəsndi

14 Tadtən nofchə kum ngərənsə chap akən kandəwa kimshechi'en fichile na nat təndi, bahnan la thlənkanda kə dənda basa.

15 Pad nuni mbəs alchit chandə bəbi luwurcha kish.

16 Fichile tadtən kum ngərənsə chap yu, Saminu (le dəfandənwa Bitrus),

17 Yakubu hweya Zabadi tə Yohanna hwanmankən (le dəfandən padwa Buwanarjis sakətkənwa hwecha bok era"),

18 Andarawus, tə Saminu, tə Filibus, tə Barta-malawus, tə Matiyu, tə Toma, tə Yakubu hweya Halfa, tə Taddawus, tə Saminu lə Kan'anata.

19 Tə Yahuda Iskariyoti le hi'yang Yəso di.

Yəso tə Ba'alzabul

20 Chat pədak Yəso huri, ngərkə nofcha ngomtə oi, məlan tə kimshechi'en bəsundə har səm ndəsəmtəwa.

21 Kə səktə nofchi'en dəknda kəsanda kəthləm nofcha ndatwa: "Təraa luwurcha."

22 Maldəmchə fa sakandə dəlwercha Musa di, fichile baka a Urshelima ndangndəwa: "Kutur

luwurchə naka fi'en paḍ tə alchita kutur luwurcha la rəktən luwurcha kish."

²³ Ak Yəso kanda, shuwunkən tə kanda hur sakətkən, ndakənwa təkəni nat shedanna bəla kətaṇdə shedanna kish?

²⁴ Ma shek kuturichithi chap, kuturichitkən ngu soktəwa.

²⁵ Kichu paḍ ma shek huraahi chap hurəkən ngu thlarəwa.

²⁶ Shedən ma thla'ada fat'enfa kəssakənhi ngu bəla thlarəwa kəthləm ndukwat'en baka.

²⁷ Kitchitkən nifəsina bəla yimta hura'a lə alchit kə herka'ənwa, manga tə kənaən lə alchitkənhi kana mbəla herkaṇdəwa.

²⁸ Kitchikən təni mbwa'anda kuni nat bəbifechi sət nofcha na ficha kalandakandəhi tə chika wun njirfat sətnda,

²⁹ Chika tə kichu le njirkə Chidchid tə Shemedə ngu ficha kalandəhiwa nakna nat kəla bəbichitfat kə pware.

³⁰ Mbukə Yəso kichu kəthləm lə ndangndəwa: "Bəbi shemed'ensi."

Man Yəso tə Hwanmanchikən

³¹ Bak mankən tə hwanmanchikən thlarkənda kish, thlənkəndəwa kəban.

³² Yakat nofchi tauranghiyu shuwunkəndə tə ndi ndangndəwa, yatu tə hwanmanchiwa kanda katsa kish yəhndə sa natsa.

³³ Ngəmaən kandəwa: "Wun yaa tə hwanmanchina?"

³⁴ Təbəkənhi tə bəda fichile ḍas ḍas yu ndan-gnakandəwa: "Nam kandəya fichileya naka nda yaa tə hwanmanchina"

³⁵ Nat le sæk i yahtə Fara məlan na hwanyaa tə yaa.

4

Sakətkən tə la Həfta

¹ Paḍ tərkaakə Yəso sakandada mi kapat hawurta ngomkə nofchə ka'ən, tərəkəna hur kommbawal sokkənhi kə hurkən, nofchə oi a mi chicheng hawurkən.

² Nakna sakandakandəhara a hur sakətkən tə ndatwa.

³ Səkama! chek lə hudata kish ka həfta

⁴ Nakna weshə witəkən, funə witəkən həmkənda hai kə hur mbanda, bak handishcha chathlanda.

⁵ Funə witəkən paḍ həhatkənnda dar fufurta bədi nguchit furtəsə diichin, tifikənda kish ledled, kəthləm ngafurtəsə darkən diichinwa,

⁶ Təkkə hwatfarəhi, lifirkəndadi kəthləm nga thlorə'ensə diichinwa, hwarkənadi.

⁷ Paḍ funə həhatkənda hur ndahcha, mwankənda paḍ njekthlang ndahchiyu bəla'utə sət hwechafuwa.

⁸ Funə paḍ həhatkəndahai kə hachahai diichin mbulkən səkən hwechafa, funə kumchit məkkan, funə kumchit tehhweth, funə paḍ kumchit kum.

⁹ Ndak Yəso wa: "Le nat thləmat səktə'ensi kə səkkən."

I Sək Fərtən Sakətkən

¹⁰ Nak Yəso ichtkən, fichile nduk təndə tə kimshechi'en kumngərənsə chap, sahaɦndə sakət shuniniyu.

¹¹ Ndangnakandəwa: "kunang ngəmaficha kunisi kə sənnuni i naka buḅweeta hur mwanda

Fara, fichile nguchika hurnuni, chikamə naki mbwa'anda kanda hur sakətkən.

¹² Nanda kəllathi kə kəllathi chika kichu ngunda natwa, kə kandə thləmathi kə kat thləmathi chika kichu ngunda səktəwa. Kəthləm ma shidndə kichu nanda təbərtəhi bənda Fara kə kalang fichi bəbichitfechengnanda kandəhi.

¹³ Ndangnakandəwa, awi sənwuni sakət shuniniyuwa? Nakuni sən yakat sakchikənwa kənni?

¹⁴ Lə hudaḍiyu hiftə shunda Fara.

¹⁵ Fichile həhatkahai kə hur mbandəyu, kandang naka sakət fichile həftə fichə shuwunkəna hanndəkikechengnandəyu, kə səktənda chat kichuyu bək shedanna thləndə kandəhar.

¹⁶ Kichu paḍ hanwitə həftə ficha hur fufurtəyu, kandang naka fichile səkkə shuwunkən thləkndə tə mbənfata.

¹⁷ A nakən sutə thlorə hanndəkikechengnanduwa, nga alchindengnandəsuwa, ma yimnda hur bahtə kəthləm shuniniyu chikndə hansarəhi.

¹⁸ Funə paḍ kandang naka sakət fichile həhatka hur ndahchiyu, kandang səkkə shuwunkən,

¹⁹ paḍ ənat kishita tə kənecha tə yah icha kishita, yimkəndəsi njaən shuwunkənna kanda suwa kweshchaənwa.

²⁰ Fichile həhtə ficha hur furtə diichinyu kandang naka sakət fichile səkkə shuwunkən thləknda, səkndə torsi mbəskəndə chekətkən, funə kumchit məkkan, funə kumchit tehhweth, funə kumchitkum.

Tikesha le Supwandə Fichə tə I'nafta

21 Dək Yəso mban tə ndanda kanduwa: "Məlapakaa la bək fīchə tə tikesha huri kəthləm kə supwang fīchə tə i'naftəwa, manga kichuwa kə dəffichəhi kəka bət hunatwa? le bətatunitəkən kəthləm kə dəffuni kə bədi la dəftəfīchəwa?"

22 Ənsənaka bəbweetə nguchit fīcha chandakishwa, ənsa supta nguchit fīcha kwallandandəwa.

23 Le nat thləmat səktənsi kə səkkən!"

24 Pađ ndangna kandəwa, dəffam i'ndəsi, kə dər ənənə səktuniyu, somədi kəkədtusi, tə ndəkən nat fīcha kəkədtəsi.

25 Kəthləm le natən'ensi, məlan nat fīcha chekanda, le nguchitən'ensi pađ chikale naka har'en na fīcha thlandəhar kə chekang fīcha le natənsə'en.

Sakət Tifta Wita

26 Ndakən pađwa: "Mwanda Fara nakən nda nifə weshkə witə'enna hachahaya.

27 Kə hunanhi kə thlaən tīfkə witəkənnə kish, mwankən, sənutə ndu səkən kəniwa.

28 Furtə tə i'ndə'en la bəlaəkən mwanandə hwarma pađ kə bələn, sən hwechafa.

29 Ma nihidi hwasən tə chelta, kəthləm shee thlahbət nəhatə'en."

Sakətkən tə Hwan Musdad

30 Ndakən pađwa, nakma kəkədandə mwanda Farə tə mi? Manga kichuwa witə sakətkən natma kəkədandəfa?

31 Nakən nda hwan musdad, le nak ngudeh a hur ichi la həftəfīcha hachahaya.

32 Chika tə kichu ma həffa fīcha, nan mwanda kə mbəranka təhət afchihi hur hitəkənyu, njarkənhi ka'en pađ kana handishcha sokta kaəftə'en.

33 Tə sakət shuwunchə ka'en mbutə Yəso shunda Fara, kə sərət səndengnanda.

34 Mbwa'autə shunda kanda nga tə sakətkənwowa, pad maməlan ichitkən, la mbwa'angna kimshechi'en chikami.

Yəso Bokada Kapat Rənnahi

35 Farəniyu sək farəhufta, ndangna kimshechi'enwa: "Chamən hawurkən kə mi chicheng le taatəyu."

36 Malkəndə ngomnofchikən diffi'in, pədakndə tənda hur kommbawal ichitkən, pad kurəkə təhchikən kanda.

37 Ndəkən thlatə husomba tərənna ka'en, nak rənnikəna həhrandə kommbawal təkən, nak ama hasa hur kommbawal təkən nda nan nəhata.

38 Yəso pad mələ hur kommbawal təkən a dar bət sokta mələ sabweni, nahnang kimshechi'en ndangndəwa: "Maldəm, nəma təktəhi, kəmmuwowa?"

39 Nahənkən, bokangna rənnikənhi, ndangna rah amkənwa: "Thlarruhi! kə ngasnə kəmma!" Ndəkən thlartə rənnikənhi shəyyet.

40 Ndangna kimshchi'enwa: "Kəthləm mə lechituni kakəchiuyu? Paa kənəkənya ngafərkit eng-nunisəwowa?"

41 Lechitndadə kaka'en, ndangndandaniwa: "Witə nifəməkicheya, rənna'a tə ama kanda fəra mwanda?"

**Kəna Yəso Nifadi, le Nak tə Hafat
Bəbi Shemeda fa
(Matt 8:28-44; Luk 8:26-39)**

5

¹ Kə chandəndə suhwada kə hachahai Garasi-nawecha.

² Kə tərtə Yəso haya hur kommbawal, thlaakə nifa le nak tə bəbi shemeda, mbət shok tə'en mbət thlohurcha bakna mbəda Yəso.

³ Nifəkən kwatmurcha naka mbət shoktə'en, nifəsi la mbəllakkə kənnanduwa chika tə chalochiwa.

⁴ Kəthlēm kurbafichə kənnandə harchi'en tə sarəchi'en tə chalalocha, nat təkichu dādahaən chalalo təkənnada sarə'en. Nga nifəsi tə alchitafa la mbəllakkə kəssandəhiwa

⁵ Nda fidikta tə fara la nakna kwat murchə tə dər shohlacha kənna nata tit ka'en, pad kənna bursa ndə fat'enadi tə ngwicha.

⁶ Kə natən Yəso langnga, paakənsi tə rahta dəkna həmta mbanitəkən.

⁷ Hwakən tə alchit tə kapat burata ndakənwa: "Mə natu sətəsa nji, Yəso hweya Fara le nak mwanchin? A humudi tə Fara, mə fərinə pwanchi-uwa.

⁸ Mbukən kichu kəthlēm nda Yəso wa: "Chukisshafata nifiya sokən bəbi shemeda."

⁹ Ndəkən sahandə Yəso wa: "Thləmmuwa kəni?" A ngəmmanwa: "Thləmnəwa terchin, kəthlēm nakani oi."

¹⁰ A hwanaən Yəso tə ndatwa: "Mə rəkinə kanda mbənniyuwa."

¹¹ Kəthlēm mbənniyu kapat chaba katuchisi naka hərimtə nduk tə shohlata.

¹² Bəbi shemechiyu hwanangnduwa: "Kə malaən kanda kə yimnda hur katuchiyu."

¹³ A ngəmmang na kandəsi. Thlaakə bəbi shemechiyu chekndakish, yimkənnda hur katuchiyu, katuchiyu shee ndə aru kumchit chap (2,000), a

rah kənda ka həhhatta hur hawurta, təkəndəhi nat ahur ama.

¹⁴ Kə nat fa hərəm katuchiyu kichu, rah kənda ka mbuta həmta, tə han həmchikən chek nofchakish ka nat i səkka.

¹⁵ Kə batnda thləmmat Yəso, nak ndə nifi nak soh tə bəbi shemecha fəyu, dəs tə njelecha fa məlla hur idi'en thlaakəndda lechik nda.

¹⁶ Fichile sət fichi ənnat kənnə hwaniteng na ndəyu, ndəkən chekəndəndə dʷaachik kənnə kanda, i kəs kə lə bəbi shemediyu tə katuchiyu.

¹⁷ Thlaakə nofchikən hwanang ndə Yəso kə mallən thlet həmteng nandə hi.

¹⁸ Kə nat Yəso yimta kommbawal, nifi soh nak tə bəbi shemedi fiyu hwanaən Yəso wa nan dətəkəkən.

¹⁹ Nat tə kichu Yəso ngəmmawusuwa, ndaənwa dʷu huri kə mbəda fahchuwa, kə mbwa'angna kanda witə pəktat ichi sutə Ləmwanda tə hadi hadandufa.

²⁰ Thlaakə nifiyu pədakən dək na nata mbu i sandə fīcha Dikafolis sakkətəkən həmchə kum witə pəktat i chi sandə Yəso. Uf nofcha pədaŋ ənnatkən kandə fa.

*Kənnə Yəso Hweya Yayirussa di
Tə Nuhnifa le Nak tə Hafat Thlərfwara fa
(Mt 9:18-26; Lk 8:40-56)*

²¹ Yim kə Yəso hur kommbawal chaən kə mi chicheng le, bək nofchi oiya kətwurangndəhi məllan pad məlla mi chicheng hawurkən.

²² Yunəsə ərta naka kapat nifa a mbət humta Yahudawechihi, thləmkən wa Yayirus. Kə natən Yəso himkənhi mbanitəkən,

²³ nakna hwanandə ka'en tə ndatwa: "Hwe'engna le nak ngudeh, kə nuhhweya məlla miya murta, nja hwanuta tama kə dənna təkaharfa kəthləm kə kənkadi."

²⁴ Pəḍak Yəso təndi, kuwurkə nofchi kandə oi nangnda njekkathləndi.

²⁵ Nuhnifəssa mbənniyu hurak kum ngərənsə chap tə hafat thlərfwara fa.

²⁶ A sheetə pwanchə oi a hara fafər hambəbecha, tubwadə i nak sə'en nat, chika tə kichu mbəsutə səmməchitwa hafatkən nakən kəmban kəmban.

²⁷ Kə səktən kussheng Yəso, dəkən tə dīfitəkən tə hur terə nofchiyu təkə'en hara njela'enfa.

²⁸ Nak na yarəwa: "Matəkadi hara njela'enfa ni kəndadi"

²⁹ Chatkichuyu thlarkə thlərfwarkən hi, səkkənsa fat'enwa kinadi.

³⁰ Chatkichuyu səkkə Yəso cheḍ alchəta kishsha fat'en, təbbərkən hi hur terə nofcha ndakənwa: "Wun təkang hara njele'engnə fa?"

³¹ Ngəməng kimshechi'en wa: "Sa nat nofchə njekthlənjekthla, kanna ndatwa, wun təkukə harfa?"

³² Kəlak Yəso hi kəthləm kə nan ndu wun təkang harfa.

³³ Nuhiyu kə səntən i səka fat'en lechikən, bakna mbəsndi kopkənhi mbwaən nat kitchit i'səka.

³⁴ Ndaənwa: "Hwe'engna, fərkitchideku kənudadi. Pəḍu ngwalngwal, kinhafadekudi."

³⁵ Məlla ḍar shunda chat bak funa mbəḍa Yayirus kapat nifa ndangnduwa: "Hwe'eku teppa miri! mə sək natu bahandə Maldəm paḍi?"

³⁶ Nattə kicchu Yəso ḍufutə i'nda i nannda mbu-

tuwa, ndangna kapat nifəkənwa: "Məlechinuwa, so kən fəru kit ndak."

³⁷ Malautə, chikka wun kə kurən ndəwa tərəkən Bitrus tə Yakubu tə Yohanna hwamman Yakubu.

³⁸ Kə saatənda hura'a Yayirus kapat nifa, nak Yəso nofcha kanda tita funa hwata.

³⁹ Yimkənna hurikən, ndangnakandəwa: "Kəthləm mə natuni tita kə nuni nata hwata? Nuhhwaniya məruwa, tənakasəbweni."

⁴⁰ Nangnda masanda masə njirfata. Chaən nofchi kisha hurikən nat, akən shin hwankən tə mankən, tə kimshechi'en fichile naka thləmmatkən, yimkənnda mbədi nat nuhhwaniyu.

⁴¹ Kəskən har'en ndaənwa: "Talita kumi." (sakətkənwa: "Hannuhhweya, ndakiwa thla'u").

⁴² Chat kichuyu thlaakə nuhhwaniyu nakna witahi. (hurat'en kumngərənsə chap). Nofchi naka mbənniyu pədang ənatkənkandəfa.

⁴³ Kahang Yəso thləmmachengnandə tə ndatwa mə səni nifə isəkyawa, fəramən dəsəmtə kə səmən.

6

Cherfichə Yəso a Nazarat

(Matt 13:53-58, Lk 4:16-30)

¹ Malkə Yəso mbənnihiyu ngəraən inna həmtə'en, kimshechi'en pad kuwurkəndəndi.

² Kə saatə farə yipta, tərkaakən sakandəfa mbət humta Yahudawechihi. Nofchə oi naka kathləmmata, pad pədang ənnatkən kandəfa nakn-dandatwa: "A'ai mbəstə nifiya witə ichiya? witə sənmə fəra ndə fichə kicheya? batna nata sət ənat sheka i'nniya?"

³ Leya nga mællan naka læ kukwat ichiyuwa, hweya Maryamu hwamman nda Yakubu, tæ Yusufu, tæ Yahuda, tæ Siman? Hwamman chikæn kæ nishcha nga kandang ni thlæmmat næm ya-wowa?" Cherkændændæfa.

⁴ Ndang Yæso kandæwa: "Tapæna'a bahutæ mwan-duwa manga himtæ'en tæ hur hwammanchikæn, tæ hur hura'enwa."

⁵ Yæso mbæla'u tæ sæt tor ænnat fær sheka i'nda mbænniyuwa, kænaænfunædi dîmek hur fichile nak hahchin tæ dæffa hara kanda in.

⁶ Pædang ænatkænfa tæ bæh fær kitchædengnanda. A wu'yaæn han hæmcha, nakna sakanda kandæ har.

Thlin Yæso Kimshechi'en Kumngrænsæ Chap
(Mt 10:5-15; Lk 9:1-16)

⁷ Akæn kimshechi'en kumngærænsæ chap, thlinkæn kanndæ chap chap, a færaæn alchita kanda i ræk bæbi shemecha.

⁸ Bokang na kandæwa makunna pædata mætæriduni æn inwa, chika dæsæmta, chika yokta, chika dængla, chika handæbæltæ kæ hur kwandangchengnuniwa, sæssal ndak natuni tæta.

⁹ Tæ pæd kæ puni pahamcha, mæ hummaðuni njelaa chapwa.

¹⁰ Ndangna kandæ pædwa: "Uf huri'i yimtunisi, kæ sokkuni mbænniyu kæ farinatuni thlata.

¹¹ Uf mbædi cher tæ ndæ kuni pæd kawundæ thlæmmata kuniwa, manuni pædata, kæ tæppanguni tænnayida saræchengnuni kæthlæm kæ sokka ænnat sinnda ðar inndengnanda."

¹² Pædangda natabasanda nofchisi tæ ndatwa kætærndæhi kæ malangndæ bæbichitfechengnanda.

13 A chang ndə bəbi shemechakish oi, pa'angndə fiddetafichile nak hahchin oi kənkəndadi.

Marta Yohanna ləsət Baptisma

(Mt 14:1-12; Lk 9:7-9)

14 Hiridus kutura səkkən kusheng shuwun Yəso kəthləm fen thləmkənhi chika tətəni funa ndatwa: "Yohanna ləsət Baptisma thla'a ndə fīcha hur məmatcha, ndəkən sək natən tə alchit sət ənnat fər sheka i'nda."

15 Ndakfunuwa: "Iliya tapəna'a" funə pad ndakndəwa, "Nda ərtə hur tapənechi sohyu."

16 Kə səkətə Hiridus shuwunkən, ndakənwa, Yohanna nəyu, le thlendi i'ndə ennadi thlaaka hur məmatcha."

17 Kəthləm Hiridus tə i'ndə'en mbukə tə ndatwa kə kəssang fīchə Yohanna, kə kənnang fīcha kə dəndə tənda pursuna. Sək Hiridus kichu kəthləm Hirudiya, Nuh Filibus hwanmankən kahandən.

18 Kəthləm Yohanna lənəkna mbwa'anda Hiridus wa, "Ngəmwu kus kə kahangnə nuh hwany-atuwa".

19 Awi Hirudiya məlla kəs kommbəl Yohanna a hur handəkiketə'en, a yahkən kə bəllaən. Nat təkichu mbəsutə mbandəwa,

20 Kəthləm Hiridus lechada Yohanna, A shinwa məllan ka nifənəkən, a shin tə ndatwa nakən chidchid, lə dwachit pad, ndəkən sək Hiridus kəstən Yohanna har ndiichin, lə shekdang i'nda ma məlla sək Yohanna məlla shundə təndi, nat təkichu lə nakna mbənandəfa ma məlla sək shundə'en.

21 A mweshitkən bək Hirudiya mbəs mbanda. A farə mbənfat thlahmbət ngəttə Hiridus, akən pəktat nofcha, funa ngomnati, funa hurfathlərhwata, tə pəktat nofchi Galili.

22 Kə yimtə hweya Hirudiyasi kə nuhhweya, rəmkən mbənaŋ na Hiridus fa tə tahət romchi naksi. Ndang kutura nuhhwaniyuwa: "Hwanitən i yahtu, ni furuta."

23 Akən ichimi tə ndatwa, hwanitin i yahtu nifuruta chika mbuth kuturichidengna.

24 Thlaakə nuhhwaniyu cheknakish kambəs mankən mbwa'ən tə ndatwa: "Mənati hwanada" Ngəmmang mankənwa i'nda Yohanna lə sət Bap-tisma.

25 Chatkichuyu ngəraən inna mbənda kutura tə wesha hwanan tə ndatwa, yahkəsi nakən nakənya kə fərikənnə i'nda Yohanna lə sət Bap-tisma a hur təpbi.

26 Səbkə hanndəkiketa kuturadə ka'ən. Paḍ ngu mbəlla cherəfuwa kəthləm teppa edtə ichimi mbanitə nofcha, kəthləm ngu mbəlla talandə i mbutənwa.

27 Chatkichuyu thlənkən yuna hur fapundə har ndaənwa, kə ḍa battə i'nda Yohanna, pəḍak nifiyu kə pursunatakən ḍəkna thlandə i'nda Yohanna,

28 ḥakən tə inkənna hur təpbi fərangna nuhh-waniyu, thlək nuhhwaniyu fərangna mankən.

29 Kə səktə kimshecha Yohanna kichuyu, pəḍaknda tər fatkən ḍəknda thlohanda.

Yəso Səmmadə'ən Nofchə Aru Kumchitkum Durman (5,000)

(Mt 14:13-21; Lk 9:10-17; Yh 6:1-14)

30 Kə ḥat fathləncha Yəso ḍi ngomkəndəhi mbwa'ang ndə i sətndə uf, tə i sakandəndadi.

31 Nak nofchə oiya bata funa pəḍata, Yəso tə fathlənchi'en mbəsundə har səmḍəsəmtuwa. Ndəkən ndandənna kanndəwa tama katmbət har

nguduk, kəthləm kə yipuni.

³² Pəḍaknda hur kommbawal kə mbət nguduk ichitnanda.

³³ Awi neḍ nofchə kandə oi kanda pəḍata, paḍ shinndə kanda, rahkənda tə sarəcha a hur thlet həmchikən laknda mbəḍi natnda ḍəta.

³⁴ Cheta Yəso kissha hur kommbawaltəkən, nakən nofchə oi haḍangndəfa, kəthləm nakndə nda shohrecha le nguchit lə hərəmtəsi. A tərkaakən saka ichakandəhar oi.

³⁵ Nak mbəta hulta bək kimshechi'ena mbəsndi, ndangndəwa: "Mbəḍi natəmya nguduk nifəsəwa, təpaḍ mbəta hulta.

³⁶ Ndandəna nofchiyawa kəpəḍanda kə kahəmcha təthlet həmchi ndukndukya kəḍənda hi i nandəsəmta."

³⁷ Paḍ ngəmmang Yəso tə ndatwa: "Kunang fəramən ḍəsəmta kanndə kə səmnda." Ndəkən ndandəndəwa, kə ḍani hi njohma i dinari aruchap kə fərangani kandə kə chiindəwa?

³⁸ Ndangna kandəwa, njohmə kurmi nakseng-nuni? ḍama kəllamən ḍəknda kəllanda ndangndəwa, njohmə ḍurman tə tinchə chap.

³⁹ Ndang Yəso kimshechi'enwa kə ndangnda nofchiyuwa kə sokndəhi təngləng-təngləng kə ḍar nduhwelecha.

⁴⁰ A sokkəndəhi təngləng-təngləng, funə kumchit kum, funə paḍ kumchit ḍurman.

⁴¹ Tərkən njohəmchi ḍurmanyu tə tinchī chap yu, kəlangna afshi saən usoko Fara, saka'ənhi fərang na kimsechi'en, kə sakangnda nofcha. Səkən kichu tə tinchikən paḍ.

⁴² Uf nda səmkənnda ngalkənnda.

⁴³ Ngomang kimshechi'en fishirchikən nihəḍ in-

aftə kumngərənsə chap,

⁴⁴ Terə nofchi səmkə dəsəmkən, hishchə, sheendə aru kumchit kum durman (5,000).

Wii Yəso Dar Ama

(Mt 14:22-33; Yh 6:16-21)

⁴⁵ Chatkichuyu ndang Yəso kimsechi'en wa, kə yimnda hur kommbawal, kə landə cheta kə Betsaida, məlan pad kalkən terə nofchihiyu.

⁴⁶ Diffitə kalə nofchihi tərəkəna dər shohlata kəthləm kə hwanən.

⁴⁷ Sək farə hufta, kommbawal tiyu a hur diffiti hawurta, Yəso pad məlla hachahai i'chitkən.

⁴⁸ Kə natin kimshechi'ena bahtəhi tə koharəkən, kəthləm rənna'a bahandə kanda, keeke tə kukwara dekta katətbəta, məlla bata mbəskandə tə wita dər hawurkən. Yarkənwa na lata mban.

⁴⁹ Kə natndəndi məlla wita dər ama, naknda muh hanhara naən kandəhiwa dəhanifa.

⁵⁰ Kəthləm ufnda neɤndəndi, lechiknda, chatkichuyu "Shunaən kandə tə ndatwa ənsuwa, njeta, mə lechiduniwa."

⁵¹ Mbənniyu yimkəna kommbawal tə kanda, chatkichuyu thlarkə rənnikənhi. Shekdang i'ndəkandə ka'ən.

⁵² Kəthləm sunundə sakət səmə'ən nofchi aru kumchit durmanyu tə njohməwa, kəthləm kwaakwaachit handəkikechengnanda.

Kəna Yəso Fichiledə Nak Haachin a Janisarat

(Mt 14:34-36)

⁵³ Kə chandəndə hawurkən kə kishitəle, tərəkənda haya a thlet həmət Jenisarat, kənağndə kommbawal təkənhi kəmi chichengkən.

⁵⁴ Kœchet nda kisha hur kommbawal mbæssang nofchuwa mællan.

⁵⁵ Rahkœnda hur hœmchikœn, naknda œat tœ fichile nak haachin a œar mbœt hunechengnanda kœ mbœdi sœktœndœwa mœlla mbœnniyu.

⁵⁶ Nat mbœdi yimtœn, thlet hwan hœmchœ tœ hœmcha, la naknda œœt tœ haachœ kœmbœd'en pad tœmi lumocha, a lanaknda hwananda kœthlœm kœ tœkangndœ hara chika mi njela'enfa, nat le tœkang harfa kœnkœnadi.

Sakandadadi kœ Dar Chidchidchita

7

(Mt 15:1-9)

¹ Farisawechea tœ maldœmcha fichile la sakang kussa di œaka Urshelima, ngomkœnda thlœmat Yœso.

² A mbæssangndœ tœ ndatwa kimshechi'en kanda sœmdœsœmtœ tœ tœkœmharcha sapawundœwa.

³ (Kœthlœm Farisawechea tœ tahœt Yahudawechea sœmundœ œœsœmtœ kichu sapundœ harwa, kœthlœm tor murta pœktechengnanda nakœn kichu.

⁴ Ma œœnnda œœ lumœ, manga tœ fanndœ nda i mbutœ tor murtengnandœwa ngunda sœmdœsœmtœwa. Tor murtengnandœsi pad lela kuwur tœnda, nda sap tœpsat 'amcha, tœ œicha, tœ kuppecha tœ kœtœn sœm'œna.)

⁵ Kœthlœm ndœkœn sahang Farisawechea tœ pœktat maldœmcha fasakandœ shuwun kussa Musadi: "Kœthlœm mi kimsecheku yahundœ kuwur tor murcha pœktechengnaniwa, mashid kœnnanda sœmdœsœmtœ tœ tœkœmharcha?"

⁶ A ngəmang Yəso tə ndatwa: "Kohat nofcha keekesi fərtə Ishaya sakətkən kə dərnuni, nda i yarandə fīcha.

Nofchiya a mi dəng nannda mwanita,
pad handəkikechengnanda nakən langnga tə
nji.

⁷ Poffən lənannda mwanandə thləmma,
kussi ti la natnda sakandadi, i nofchə dəng,
dar ndatwa shunda Fara.

⁸ Lamallanguni i ndat Faruwa kə suni, nakuni kuwur tor murta nofcha."

⁹ Ndangnakandəwa: "Awi nuni mbəllamalandə kussi Fara kəthləm kə kuruni tor murchengnuni!

¹⁰ Kəthləm ndak Musa wa, 'fəran mwanda suka tə yatu pad le erkə shinkən tə mankən keekesi kə bəllang fīcha.'

¹¹ Pad landakuniwa: "Nat i nat shinchinuni tə manchinuni bəsta mbəda nifə soh sokkən nda korban" (sakətkənwa fərradi Fara).

¹² kəthləm ndəkən mwawuni mallandə kə kəssaən tora shinkənsi tə mankən wa.

¹³ Təkichu la natuni, cherə pathla Fara, tə pathlə kuwur tormurchengnuni, pad la nakuni dāhhanda witə ichiniyu in.

Ichi la Təkmang Nifəhi

(Mt 15:10-20)

¹⁴ Ngərkə Yəso at nofcha mbəd'en, ndangnakandəwa kami thləmmat uffuni, pad kəsununisi ndiichin.

¹⁵ Nga i lasəmtə nifa hur na təkmandəhiwa, i la cheka hur handəkiketə la təkmang nifəhi.

¹⁶ [Uf le nat thləmmatsəktə'ensi kə səkkən.]

¹⁷ Kə saktənhi tə nofchi oiyu yimkəna huri, sahang kimsechi'en sakət i'sakandənadiyu.

18 Ndangnakandəwa: "Awi kunang pad sənwuni sakətkən tə ndatwa i səmtə nifa hur, bəhwa təkmandəhiwa.

19 Kəthləm nga la yimkəna hur handəkiketəwa la yimkəna hur kəhapangkadi. A hurra shuniya chedkə Yəso wa i səka dəsəmta təkəmtəsa fi'enwa.

20 Ngər kəna ndatwa i lachekakissha hur handəkiketa nifa ndəkən na təkmanghi.

21 Kəthləm a hur handəkiketa nifa la chetbəbi'ichakish, ndanda bəbiyara, fəllawichita, herketa, tə bəlfata,

22 Katnishcha nofcha, səbfata, lekta, sərəhta, mwa'inda, bokta, tə bomchita.

23 Uf bəbi'ichiniyu lə chekna handəkiketa, ndəkən la təkmanğ nifəhi.

*Nuhnifə lə Helinawata Fərkə Kit kə Mbəda Yəso
(Mt 15:21-28)*

24 Mbənniyu malkə Yəso Galilihi pədakna thlet həmmət Taya tə Sidon. yimkəna hura'a yuna, a yahu kə sənfichiwa. Nat tə kichu bəbwe'iuwa.

25 Chatkichuyu nuhnifəsi, tə hwe'ensi kə nuh-hweya naktə bəbi shemedafa, kə səktən kusheng Yəso, bakna həmtəhi mbanitəkən.

26 Nuhhiyu witə Helinawechə nakən, a thlet həmət Finikiya ngəttəfichəndi, a hachahai Suriya. A hwanaən Yəso wa kə kətaən bəbi luwurchada fa hwe'en.

27 Ndang Yəso wa: "Suku kə ngal hwechə kwadən, kəthləm kamusi kə tər fichə dəsəmta hwecha kə fərang ficha hədechəwa."

28 A ngəmang nuhiyu tə ndatwa: "Ə, kichuyu maldəm, chikatə kichu hədechə la səmkənnə fəshirchikənti ka tebər ləla həhatka haya miya hwecha.

²⁹ Ndəkən ndandə Yəso wa: "Kəthləm shundeku, dufadfi, bəbilura shekhi tə 'hwe'eku."

³⁰ Ngərang nuhnifəkən inna dī dəkna mbəssandə hwe'en duk a mbəthunata bəbi luriyu tepa keltəndəhi.

Kənnə Yəso Bommadi

³¹ Malkə Yəso thlet həmət Tayahi, kuwurkən tə Sidon dəkna hawur Galili. A mbanda kwirtə thlet Həmchə shee Kum.

³² A mbənniyu bəng ndə bomma, le lakweekə shunda, a hwanangnda kəthləm kə dəfaən hara in.

³³ Kabkə Yəso bommīyu kəkəllar, mbahkəndada thləmat nofchiyu kə mbədi nguchit nifəsi. Pakən hanharchi'enna hur thləmmecha nifiyu, chahkən yahta hanhar'en, təkə'ən hara hanshunda nifəkən fa.

³⁴ Kəlak na afshi kahkən yiptə langnga, ndakənwa: "Iffata!" sakətkənwa: "Innuhi!"

³⁵ Kə mbutən kichu inkə thləmmecha nifəkənhi, i kənnang hanshundə'en pad kwaskənhi, tər kaakən shundə ndiichin.

³⁶ Bokang Yəso kandəwa mə mbwa'anda chika wunwa, nattə boki bokandənnakanda nak mbukənnə chekta.

³⁷ Shekdang i'ndə kandə kə'ən, ndakndəwa shiitə ichindiichin oi! Sokkən bəmbəchəmbəta, tip-pengcha kanda shunda".

8

Yəso Səmandə ən Nifə Aru Kumchit Fwadda
(4,000)
(Mt 15:32-39)

¹ A hur hanmunchiniyu, nofchə oi paɗ baka mbəs Yəso. A nakən ənsə nannda səmtəwa, ak Yəso kimshechi'en ndangna kandəwa:

² "Nofchiya haditəfa, kəthləm munkəndə məkkan nakənya kanda thləmatna mwa'u ndəsəmtengnandəsuwa,

³ Ma dedī nakənyawa kə pədandadadi tə mita, na funa həhattəhi mbacha. Kəthləm funə bakndə langnga."

⁴ Ndəkən ngəmməndə kimshechi'enwa: "Nakma mbəs njohma aiya hurhweli'iya na səmma ən nofchi natya?"

⁵ Sahang Yəso kimshechiken'enwa: "njohmə kurmə naksengnuni?" Ngəməngndəwa: "Mud."

⁶ Ndangna nofchiyuwa kə sokndəhi kə hachahaya. Ndəkən hartən njohhomchi mud yu, saən usoko Fara, chichaənhi, fərangna kimshechi'en kə sakangnda nofchiyu, sək kimshechi'en kichuyu.

⁷ Tə paɗ tinchisə dimek. Yəso saən usoko Fara, ndangna kimshechi'enwa leya paɗ sakamna kanda.

⁸ Səmkənda ngalkəndə nda i yahtənda. Diffitəkən ngomang kimshechi'en fishirchikən inaftə mud.

⁹ A farəkən shee nifə aru kumchit fwadda (4,000). Paɗ ndang Yəso kandəwa pədama.

¹⁰ Chatkichuyu thlaakə Yəso tə kimshechi'en yimkənda hur kommbawal pədaknda thlet həmət Dalmanuta.

*Sheh Farisawecha Sakətkən
(Mt 12:38-42; 16:1-4; Lk 12:54-56)*

¹¹ Bak Farisawecha tərkaakəndə sahəmi Yəso. Kəthləm yahndəssa kəkəɗanda, sahəngndə kə chedəən sakətkəna kanda a hur afshi.

12 Kətkən yiptə langnga hur shemed'en ndakənwa: "Kəthləm mə nat nofchi kishi'i nakənya katsakətkən? Kitchitkən ni mbwa'anda kuni sakətkənsi nat fīcha fəranda kishi'i nakənyawa."

13 Thlaakən malkənkandəhi, yimkənda hur kommbawal pədakən kə chicheng le.

Mehnda Farisiyawecha tə i Hiridus
(Mt 16:5-12)

14 A nakən mbutandə kimshecha Yəso kə tərndi njohmə in, njohmə ərte ndak naka harengnanda hur kommbawal təkən.

15 Ndang Yəso kimshechəkən'enwa: "Ndəfam əndisə ndiichin kə ndəsəcha Farisawecha tə i Hiridus nda mehnda."

16 Tərkaakəndə shundə təndani tə ndatwa: "Mbukən i'ya kəthləm njohməsa harrengnəmwa."

17 Shin Yəso i nat kimshechəkəna shunda dərkən, ndəkən sahandən mə kandəwa: "Kəthləm mə natu ni ndandandaniwa njohmə nguchiksa harengnuni?" Awi paaya a sənwuniwowa? Təpadədaa paaya a mbəsawuniwowa? Paaya mwaakə hanndəkikechengnuni kwaakwaawa?

18 Hwanichengnunisi, nuwuni mbətwowa? Thləmmechengnunisi, səkwuni mbətwowa? Kudukwunniharwowa?

19 Fari chichandi njohmihi dərman chiitə nofchə aru kumchit dərman yu, inaftə kurmi ngomanduni fishirchikən tiyu?" Ngəməng kimshechəkən wa: "I'naftə kumngərənsə chap."

20 Ngərkən ndanda kandəwa njohmi mud chichandəhi chiiti nofchə aru kumchit fwadəda yu i'naftə kurmi ngomanduni fishirchikən?" Ngəməngndəwa "i'naftə mud."

21 Paḍ sahaənmi kandəwa: "Kananat paaya a mbəsawuniwowa?"

Yəso Kənnandə Nifadi kə Kukomta a Betsaida

22 Yəso tə kimshechi'en bəknda Betsaida, bək nofchə tə nifə kə kukomta, hwanang nofchiyu kə təkə'en harfa.

23 Kəskən haara kukoməyu, chekəntənda kish a hur thlet həmətkən. Chahkə Yəso yahta hwanicha kukoməyu səkkən harchi'enna hwanicha kukoməyu, sahang Yəso wa: "Sa nat mbət wa?"

24 Kəllakna afshi a ndakənwa: "Nja nat nofcha nakndə nda afchə naka wiita."

25 Ngərkə Yəso sət harchi'enna hwanicha kukoməyu, nakənya kəllak nifiyu ndiichin, ənəkə hwanichi'en hi nakna nat chikaməhi chidchid.

26 Ndəkən ndandə Yəso wa: "Dudadi kə huri, mə ngərina thlet həmədiniyuwa."

Bitrus Mbwiti Kitchit kə Dar Yəso Məllan na Kərəsti

(Mt 16:13-20; Lk 9:18-21)

27 Thlaakə Yəso tə kimshechi'en kə thlet həmcha hachahai Kaisariya Filibi. Nak nda wita ndəkən sahandən kimshechi'enwa: "La tərəkə nofchuwa wunnaki?"

28 Ngəmanğ funə la ndakndəwa: "Sokən Yohanna lə sət Baptisma, funə la ndakndəwa Iliya tapəna'a, funə paḍ la ndakndəwa naku ərta hur tapənecha."

29 Ndəkən sahandə Yəso kimshechi'enwa kunang kəni: "La ndakuniwa wun naki?" Bitrus Ngəmanwa sokən naka Kərəsti."

30 Bokang Yəso kandə ndatwa: "Mə mbwa'anda yunə ndu wun nakənwa."

*Mbwi Yəso Witə Məri Natna Mərta tə
Thlatə'enna Kwata
(Mt 16:21-28; Lk 9:22-27)*

³¹ Tərkaakə Yəso sakandakandəhar tə ndatwa: "Hweya nifə nan bahtəhi tə ichi somsomən, pad kə cher pəktechəndi tə pəktat pəristochicha, təfa sakandə dalwer tə kussa Musa di. Nanda bəllanda, diffitə mundə məkkan nan thlata.

³² Mbwa'ən ichiniyu kimshechi'en a dɔwachitkən. Bak Bitrussa kahndi kə kəlar boka'ən kə dar mbuwitə'ichiniyu.

³³ Təbərəkə Yəso hi nakna kəllandə kimshechi'en, bokangna Bitrus hi tə ndatwa: "Mbahhu thləmatna Shedan, yareku nga i Farəwa i nifa."

³⁴ Akən nofchə tə kimshechi'en, ndangna kandəwa: "Nifi yakhəssa kuwurnji kə cherən i'ndə'en, kə tərən palitə'en kə kurən nji."

³⁵ Kəthləm chikawun yakhəssa hərkandə shisshingtə'en nan shekdanda, pad chəkawun shekdang shisshingtə'en kəthləm njang tə kushengshundə mbənchin, nan hərkandi shisshingtə'en.

³⁶ Mə naka mbəs ənhara nifa ma mbəssandə kisshita kə bahhən shisshingta.

³⁷ Mənat nifa fərtə kəthləm shisshingtə'en?

³⁸ Chəkawun la harandəfat kəthləm njang tə shundengna a kishi bahkitchidiya tə bəbichit fadi nakənya, hweya nifa nan sək harəfat'en pad ma bəda hur mwanda Shinkən tə mala'ikachə chidchid.

9

¹ Ndəkən ngərtə Yəso ndanda kandəwa: "kittəkən nja mbwa'anda kuni, funəsa a

hurnuni mbəɖya ngunda mərtəwa sema neɖndə kuturichita Fara ɓed tə alchita."

Mbumbweta Fata Yəso hi

² Diffitə mundə tehheth, harkə Yəso nda Bitrus tə Yakubu tə Yohanna, ɖəkən tə kanda shohlatə lenak njang, nakndə ichitnanda mbənniyu. Naknda nata kəllathi chat mbumbwedkə fata Yəso hi a mbanitənanda,

³ sək njelechi'en hendəɖa nakna kəstəfə nda hwatfara, nguchit nifa mbəlla sapandə njelechi'en tə pachau kichuyu a hur kishi'iya.

⁴ Chatkichuyu ɓak nda Iliya tə Musa, chedkəndə fadəngnanda paɖ kanda shundə tə Yəso.

⁵ Nɖang Bitrusa Yəso wa: "Maldəm ɓadəngnəma mbəɖya ndiichinsi, tahsam kətənchə məkkan, ərte iyuwa, ərte i Musa, ərte i Iliya."

⁶ Mbukən iniyu kəthləm sənute'i'natna mbutəwa, kəthləm a lechiɖnda.

⁷ ɓak husomba'a haya kə ɖar inchəngnanda ngəlaən kanda, chek mburata kissha hur husombikən tə ndatwa: "Ka hweəngnəniya leyahti kamən thləmmata."

⁸ Chat kəllakndəhi chika tətəni nundə nifə somənwa, se Yəso ndak naka thləmat nanda.

⁹ Naknda tərtahaya a shohlayiyu, ndang Yəso kandəwa: "Mə mbwa'anduni nifə i'nattuniyawa, se fari thlaatə hweya nifa hur məmatcha."

¹⁰ Kəskəndə I'har mbwa'andənna kanda, paɖ naknda sahandə ndanichə tə ndatwa: "Mə naka sakət thlata a hur məmatcha."

¹¹ Sahang ndə mi tə ndatwa: "Kəthləm mə ndat maldəmchə fa sakandə kus təkənnadi, Iliya na tərka thlata?"

12 Ngærkə Yəso səwa: "Kittəkən Iliya na tərka thlata kəthlēm kə tahsaən chikaməhi. Chika tə kichu, kəthlēmme ndat laulawatkənwa hweya nifa nan sat pwanchə ka'en tə paḍ kə njirndəndi?

13 Paḍ nja mbwa'anda kuni ndatwa, Iliya tepi beḍi sa nofchə i'ngəmtə hurengnanda nda i'natna a hur laulawatkən kə ḍar i'ndi'en.

Kəna Yəso Hweeya di tə Bəbi Shemecha fa

14 Kənatnda ngərta mbəḍa tahət kimshechi'en, nakndə nofchə oi, a taurangndə kandəhi, paḍ funə maldəmcha fa sakandə kus tə tərbənda Fara di kanda halə'i'ndə tə kanda.

15 Kənat nofchiiyu Yəso, pəḍang ən kandəfa, rahkənda thləmatkən ndangndə əna.

16 Ndəkən sahandə Yəso kandəwa: "Mənatuni halə'i'ndə tə kandə kə ḍarkən?"

17 Yuna hur nofchiiyu shuwunkən tə ndatwa: "Maldəm buḍi hwe'engna kəthlēm kə kərangḍi bəbi shemedḍa fat'en njandə shunda.

18 Ma beḍ bəbi shemedkəna fi'en la muhkəndəhi kə hachahaya. Mi'enna hupta kəna chi hanthlanchi'en, chat mbəsku titiḍhi. Nḍaḍi kimshecheku wa kə rəkangndə bəbishemechikəna kish mbəlla'undəwa."

19 Ngəməng Yəso kandəwa: "Kunang nofchə fa bəhfərkit! Kəkwat natmanata bət ərtə tə kuni? Kə kwat natinata kərəstə təkuni? Bəmitən hwankən."

20 Bangndə hwaniyu. Kənat bəbi shemediiyu Yəso, təpkən hwanihiyu hachahaya mələ takarəhi mi'enna hupta.

21 "Ndəkən sahandə Yəso mi shin hwan-niyuwa?" Bət kənni kəstə'i'ndiya?" Ngəmanwa: "Thlata hwanchit'en.

²² Kurbandə nata muhnda hur am tə hwata təna mbəlanda. Paḍ manu mbəllata kəsanna kanisi kə handukanifa."

²³ "Ndəkən ndandə Yəso wa kəthləm mənatu ndatwa mani mbəllata?" Chikamə nan sətta kə mbəḍa le fərkə kit."

²⁴ Chatkichuyu shin hwanniyuwa təkən ndakənwa, a firi kit, paḍ kəsitənsi tə bah fər kitchidengna."

²⁵ Kə nat Yəso nofchəkəna chektə oi, kanda bat tə rahta, bokangna bəbi shemedkənhi tə ndatwa: "Sokən bəbi shemeddi njang səkbət tə shunda hwaniya nja ndutuwa chukisha fat'en mə tamina ngər yimta fat'enwa."

²⁶ Bəbi shemeddiyu hwakən, təpkən hwanihiyu fat'enna saktatfa chekna kish. Nak hwanniyu ḍuk nda tə mərrən, nak nofcha hurrumta paḍ terchin ndangwa tə mərrən.

²⁷ Kəskə Yəso hara hwanniyu kəsaansi thlarkənhi kit.

²⁸ Diffitə ndəkən, Yəso tə kimshechi'en i'chitnanda a huri, sahang kimshechi'en miya a buḍweeta: "kəthləmmi mbəla'uchitani kətatandə bəbi shemeddiyu?"

²⁹ Ngəməng Yəso wa: "Witəkən ngu chetakish kichuwa se tə hwanda."

A Ngər Yəso Mbu Witə Məri Natna Mərtadi

³⁰ Malkəndə mbənnihiyu cheknda kish tə hurhuri Galili. kəthləm yahu Yəso kə sən nifə mbəndi natənwa,

³¹ nakna sakanda kimshechi'en har tə ndatwa: "Na fīcha fər hweya nifa kə harra attikrechikən, nanda mbəllanda paḍ diffitə mundə məkkan nan thlata hur məmatcha."

³² Nakən mbəsawundə i'mbutənwa tə paḍ kanda lechit kə sahangndə i'natna yara.

Wun Nak Mwanchin

³³ Bak nda Kafarnahum sokkəndəhi a huri sahang Yəso kimshechi'enwa: "Mənatuni shunda ḍarkəna mbandiyu?"

³⁴ Mbəla'undə fəra ngəmkənwa, kəthləm a mbanda helndə i'ndə tə ndani ndatwa wun nak mwanchinna hurnanda.

³⁵ Sokkənhi, akən kimshechi'en kumngərənsə chap yu, ndangnakandəwa: "Chikawun yahkəsa nata mban kə naka ḍiffi paḍ kə saən fat'en kə mafata nofchə nat."

³⁶ Tərkən hwe har, thlaraanhi hurḍifitənanda tərəkəndə, ndangna kandəwa:

³⁷ "Chikawun thlək hwe kicheya a hur thləmna thlətənji, paḍ chikawun thləknji, thlutənji ḍengwa thləkən tə Papati thlənkənji."

Nat le Nguchika Atikrechit Təkəm Məlanna'i'nəm

³⁸ Ndag Yohanna Yəso wa: "Maldəm nedani nifa rək bəbi luwurcha a hur thləmwa, ndangn-ganiwa kə malaən kəthləm nga nakna hurnaniwa"

³⁹ Ndəkən ndat Yəso wa: "Mə njaduniwa, nifəsi na sət witə torəniyu a hur thləmna mashid kə təbrənhi kə mbuən bəbi'icha i'ndengniwa."

⁴⁰ Chikawun nguchika atikrechit tə kəm məlan i'nəm.

⁴¹ Kittəkən nati mbwa'anda kuni, nat nifi fərang amsata kuni kəthləm kunang 'i Kərəsti nan thlət kənəkən.

I'chi na Dəf Nifa Sət Bəbichitfata

⁴² Chikawun dɛfkə ɛrta hur hwanchi fɛrkə kit kə bɛdɛngniya kə sən bɛbichitfata, kweshada nifiniyu kə wokang fichə fənhata bur kə muh fichənda hur hawurta.

⁴³ Ma hareku la dɛfkəsa sət bɛbichitfata thland-inadadi. Kwesken kə yimna pwan nga harsə ɛrtəwa mənɪ muhsa hwata tə harchə hwaa.

⁴⁴ Hwadi la ləfuchik kə pwaree.

⁴⁵ Ma sareku la dɛfkəsa sət bɛbichitfata, thlandənadi kweshken kə yimna pwan nga sarəsə ɛrtəwa mənɪ muhsa hwat tə sarəchi hwaa.

⁴⁶ Hwandi la ləfuchik kə pwaree.

⁴⁷ Ma hwaniteku la dɛfkəsa sət bɛbichitfata, kətandənadi kweshken kə yimna mwanda Farə tə hwanitə ɛrta mənɪ muhsa hur hwat tə hwanichə hwaa.

⁴⁸ Mbədi la məruchit hweecha, pad hwatkən tamwa liftəwa.

⁴⁹ "Kəthləm chikawun nak ficha kikedandə tə hwata.

⁵⁰ "Mannda ndiichin, pad ma tər mbəndə'ennadi, naku mbəlla ngəranda kwarkən kə manndawa kəni? Kənuni mbinchin tə ndani nda i nat mannda, pad kə sokuni yuyur tə ndani."

10

Sakandadi kə Dar Sak Reta

¹ Yəso malkən thlet həmədkenhi pəɖakna thlet həməd Yahudiya chaən suhwad Yodan. Humkə nofchə oi kə thləmatkən, nakna nata sakanda nofchiharyu nda i la sətən kənding.

² Bak Farisawecha mbəsndi kəthləm kə kikedangnda, sahangndə mi wa: "Keekesi kə kal hishnifə nuhkənhiwa?"

³ Ngəməng Yəso kandə tə sahmi paḍ ndatwa: "Mə mbutə Musa a hur kus təkən kə ḍar sak reta?"

⁴ Ngəməng "Musa fərandən mbanda hishnifa kə yaraən ḍelwera nuhkənsə kə fəraən kə rəkənnḍə."

⁵ Ndəkən ndandə Yəso kandəwa: "Yarangna kunisə kichuyu kəthləm kwaakwaachit hanndəkikechengnuni.

⁶ Paḍ thlata tərəkəkən tinkə Farə kandə, nuhnifa tə hishnifa.

⁷ Kəthləm ndəkən hishnifə nan malə shinkəhi tə mankən kə nandə ərtə tə nuhkən.

⁸ Chapndəyu hwimndəhi kə ənərtə. Nga nakndə chap paḍwa nakndə ərtə.

⁹ Kəthləm ndəkən i'humandə Fara mə saka nifəhiwa.

¹⁰ Kənatən i'chitkən tə kimshechi'enna huri sahangndə mi kə ḍar shuniniyu paḍ.

¹¹ Ndangnakandəwa: "Chikawun cherkə nuhkən kakhən somən shiḍtə fəlawichit tə ndi

¹² Paḍ ma cher nuhnifə səmaha kakhən yunə somən, shiḍtə fəlawichita."

Yəso Fərandə Mbəsənhara Hwecha.

¹³ Farə le ɓang parchə hwechengnanda Yəso kəthləm kə təkə'ən harra kandəfa kə fəraən mbəsənhara kanda. Nak kimshechi'enna njanda parchiyuwa mə ɓində tə hwanchiyu mban-itəkənwa.

¹⁴ Kənat Yəso kichuyu, səbkə hur'ennadi, ndangna kandəwa: "Malamən hwecha kə ɓanda mbəndengna, mə njanduni kandəwa, kəthləm kurturichita Fara i'witə fichile nak nda kandang.

¹⁵ Kitchitkən nati mbwa'anda kuni chikawun thluchik mwanda Farə nda hweya, ngu yimtəsəwa."

16 Mbənniyu harkən hwanchiyu səkən harcha inchengnanda fəraən mbəs'əna kandahar.

Kimshaa lə Kəna'a

17 Yəso tahəskənfə na bədata Urshelima, bək kimsha'a lə kənaa tə rahta, səkən kurumchihi bənītəkən sahaənwa: "Kə Maldəm, mə natisəta kani bəs shisshingtə le kə pware?"

18 Sahang Yəso wa: "Kəthləm mə atunjiwa ka maldəm?" "Nifəsə naka katkənwa se Farə ndak.

19 Kə ngəmayi sahmiyeku a shinnə kuschikkənwa! Mə mbələnifatwa, mə səni fəlawichitwa, mə herkinəwa, mə thlərna dər yuna a dər lektəwa, mə ndathləna nifafuwa, kə fərrangnə mwanda nda suk tə yatu."

20 Ndəkən ndandənwa: "Maldəm, a hərmi i'chinharyu nat thləta hwanchidengna."

21 Kəlang Yəso kimshi'iyu tə hwanitə mbənfata ndaənwa: "Ən ərte tahhuka, du hi'yan i'chidə nakseku nat kə sakangnə hanndəbələkəna fa bəhcha, nu mbəs hurmichita hur afshi, kanna bəta kuwurnji."

22 Kə səktən shuninuyu, bədakən tə səbhura, kəthləm lə kənaa nakən ka'ən.

23 Kəlak Yəso hi ndangna kimshechi'enwa: "'Yang'yangnga fa hurumta kə yimka kuturichita Fara!"

24 Pəndang ənna kimshechifiyu tə shuwunkən. Ndəkən ngərtə Yəso ndanda kandə padwa: "Hwecha, yimta kuturichita Farə 'yang'yang.

25 Nannat paapa'a fa ngelupa kə 'yimən tə kwat lipir mənī hurumta kə yimka kuturichita Fara."

26 Kə səktə kimshechəkən'en shuniniyu, pəndang ən kandəfə ka'ən sahəkəndəwa: "Ma nakən kichu wunhacha na hərəkta hurkishi'iya?"

27 Kəllang Yəso kandə ndakənwa: "Mbəda nifa ngu nat paapaawa, mbəda Fara chikamə nan nat paapaa."

28 Tərkaakə Bitrus ndandəwa: "Kanang melani i'chi hi nat kana kuwursa."

29 Ndəkən ndat Yesowa: "Kittəkən nja mbwa'anda kuni, chəkawun malkə huraahi, ndu hwanmanchəkən kə hishcha tə nishcha, ndu shinkən ndu mankən, ndu hwechi'en, ndu pwatarcha kəthləm njang tə ka kusheng shunda,

30 nan mbəs ən arucha a kishi'i nakənya, hurecha, hwanmancha, parcha, hwecha tə pwatarcha tə pwenecha nan mbəs shisshingta a hurrechi na batyu,

31 Kəthləm ndəkən, terchin fichile naka mban nakənya naknda nata diffi, fichile naka diffi pad naknda nata mban."

Məkkatə Shunda Yəso kə Dar Mərtə'enadi

32 Kanda pədata Urshelima, Yəso lak na mban-itənanda. Pəđang ənnatkən kimshechi'enfa, nofchi naka kuwur kanda diffi pad lechiknda. Thlarkə Yəso hi akən kimshechi'en kumngərənsə chapyu kə kəlar, mbwa'angna kandə nat i' na mbəsndi.

33 Ndakənwa: "Səkama, nakənya nəma ndəta Urshelima, kə mbəndə nat ficha fər hweya nifa, kə harra pəktat pəristcha tə maldəmcha fa sakandə kus təkənnadi. Nanda thla kitasə i'mərtadi kə fərndəndi kə harra punofcha.

34 Nanda sa weləm, chahangndə yahta fa, təppangnda, kə mbəllangnda. Hur mundə məkkan nan thlata."

Hwanda Nda Yakubu tə Yohanna

³⁵ Nda Yakubu tē Yohanna hweecha Zabadi baknda bəsndi ndangndəwa: "Maldəm, ənsə yahanisa hwanuta kə sangnə kani."

³⁶ Sahaən kandəwa: "Mə yahtuni kə sayi kuni?"

³⁷ Ndangndəwa: "Fari natu yimta kuturichideku hur afshi kə sokəm rəmma, ərta harsəmteku ərta pad a hishingteku."

³⁸ Ndang Yəso kandəwa: "Sənwuni i natuni hwandəwa. Nuni mbəla sat bahhi nati satyawa? Nuni mbəla thlət baptisma ti nati thlətyawa?"

³⁹ Ngəməngndəwa: "Aa nani mbəlata." Ndang Yəso kandəwa: "Nuni mbəla sat bahi nati sata, kə thluni baptisma ti nati thləta."

⁴⁰ Pad alchidəngnəsə nati ndatwa leya na sokta a harsəmtengna ndu həshingtəngnəwa. Farə tahsən fəchiniyu kə i' fəchile tadətənar."

⁴¹ Kə səktə tahət kimshechi'en kumyu shuniniyu səbkə hurchəngnandadi kə dər Yakubu tē Yohanna.

⁴² Ak Yəso kədə nat, ndangna kandəwa: "Shinuniwa, fəchile naka kuturcha a kishi'iya la səkndə tor tē alchindəngnanda kə dər nofchəngnanda, pad pəktechəkən la səkndə tor tē mwadəngnanda kə dər nofchəngnanda."

⁴³ Ngu nat kichu a hurnuniwa. Pad le yakhəsə nat mwanchin a hurnuni, kə səka mafata tahchəkən.

⁴⁴ Tē pad le yakhəsə nata mban, kə naka mafata nofchə nat.

⁴⁵ Kəthləm chika hweya nifa a bu kə sang fəchə torwa, bakən kə saən tora nofcha, pad kə fərən shishshingtə'en kə thlən nofchandə oi."

Bartimawus Kukomta Kəna Yəso di

⁴⁶ Yəso tə kimshechi'en saakənda Yeriko. Naknda malə Yerikohi tə nofchə oi, lə hwandəsə pad kukomta thləmkənwa Bartimawus, hweya Timawus, das a mi mbanda,

⁴⁷ Kə səkətə Bartimawus wa Yəso Lənazarat naka mbərtəhi, ndəkən thla'andən mburata ndatwa: "Yəso hweya Dauda, kə handukəfa."

⁴⁸ Bokang nofchihi oiyu ndangndəwa kə ngasən ba. Thlat təkichu i'naən mburathi ka'en: "Hweya Dauda kə handukifa!"

⁴⁹ Səkkə Yəso ndi thlarkən hi ndakənwa: "Ndamənwa kə baka mbədyə." Nofchiyu ndangnda kukomiyuwa: "Kwallu hacha," "Abu mələ atsa."

⁵⁰ Chatkichuyu thlakə kukomiyu muhaən ndə suptə'enadi, ndəkna mbəs Yəso.

⁵¹ Ndəkən sahandə Yəso miya: "Məyahtusə kə sukə?" Ndəkən ngəmandə kukomiyuwa: "Maldəm, Yahkəsi kə mbəsi natmbəta."

⁵² Ndang Yəso wa: "Ndu, fərkitchindeku kənudadi." Chatkichuyu inkə hwanichi'enhi kuwurkən Yəso pədaknda.

11

Yim Yəso kə Urshelima

¹ Kənatnda satə nduk kə Urshelima, a Betafaji, tə Betani, tə shohla Zaitun, thlinkə Yesu kimshechi'en chap,

² Ndangna kanduwa, yimmama thlet həməđini taata mbanitənuniyu, nda yimtengnuni nuni nat hwan kware kənda, le tamuchit ficha pərtəsi. Kə kwasuni bunitəkən.

³ Chika wun sahang mi kuni wa kèthlèm mi, natuni sèt kichu? Ndangnguniwa shinnèm naka yahta, pad nan battəkən nakənya.

⁴ Ndəkən pəndat kimshechi'en ndəknda bəssandə hwan kware təkəna mibanga a kələrə mbanda, kwassang ndə hi.

⁵ Nofchi nak kitkita mbənniyu, ndangnda kanduwa: "Kèthlèm mi natuni kwasə hwan kware ti ya?"

⁶ Mbwa'angnda kandə I ndandə Yəso kandəwa kə mbunda, malang nofchikənkanda pəndakndətəkən.

⁷ Bangndə hwan kware təkəna Yəso supkəndə njelenjengnanda dər hwan kware təkən pərkənsi.

⁸ Nofchə oi supkəndə ndə supcheng nanda mbanda, funə pad thlithlahkəndə swikangrechi har somkəndəhi.

⁹ Fichile bən tə fichile naka diffi naknda whata, funa kukwara tə ndatwa, Hosanna! bəs'əna har shok kə ndukwatəkən kəbədə ləbatta hur thlēm Ləmwanda.

¹⁰ Bəs'ichisə har a dər bəta kuturichita kakatnəm Dauda! Mwanamən Fara le naka afshi

¹¹ Yim kəna Urshelima, kə kapat hura'a Fara, kəllaən chikami, Sək farəhufta, chəkna kish pədak na Betani tə kimshechi'en kum ngərrənsə chap.

Yəso Səbandi Affət Shubwata di tə Shunda.

¹² Bingətkən naknda malə Betanihi, nak mita fa Yəso.

¹³ Anakən affət shubwat tə swa'en kundummə kudkud langnga, ndəkən ndətən ka nata naənhiwa nan mbəs hwecha buratkən. Swechə ndaknaksi, kèthlèm sa'u farə ngəttə'enwa.

¹⁴ Ndang Yəso affətkənwa: "Mə ngəri nifa chi hwecheku padwa." A shik kimshechi'en i mbutən.

Yəso Rəkadə fa Hitə tə Hi'yandadi a Kapat Hura'a Fara

¹⁵ Bakndadi kə Urshelima, yim kə Yəso kə kapat hura'a Fara, rəkkən fa hita tə fa hi'yandə ichada hur kapat hurikənna Fara, pad wuwelaən hanafcha fa hi'yandə Tattabaracha ndə tə fa mbumbwe hanndibəlcha.

¹⁶ Pad thlaraən chika wunhi naka sət tortə kapat huri kənna Fara nda mbət hi'yandə ichadi.

¹⁷ Ndangna kandəwa: "Ndak yaratkənwa, 'Hure'engna nak fīcha atwa mbət hwanda a hēmchənət, bākuni təbrandəhi kə mbət sokta har-cha."

¹⁸ Kə səktə pəktat pərischə tə maldəmcha i laulawatkən i sət Yəso, kakndə mbayi natnda mbəllanda. Sokkən lechanda kəthlēm nofchi humkəyu pəda'ənkandəfə tə sakt'en.

¹⁹ A Farəhuffəđiniyu chek Yəso kisha hēmətkən tə kimshechi'en.

Ənat Sakta A dar Shubwadi Hwarkadiyu

²⁰ Kanda mbərtəhi a bingətkən tə thləmat affəđi mbutən ən kə dərəkənyu, mbəssang kimshechi'en affət shubwatkən hwerandə kə thlorəkən.

²¹ Kuđukkə Bitrus i mbutə Yəso kə dar shubwadiyu a farəle ndakənwa: "Maldəm, kəllu shubwandə səbandundə tə hanngalə shunda hweradi pad miradi."

²² Ngəməng Yəso kimshechi'en wa: "Nam tə fərkitta mbənda Fara.

²³ Ni mbwa'a kittəkəna kuni, chikawun ndannga shohlayiya wa, 'thla'u həmu hur hawuriyu,

nan hæmtəsi. Paḍ waat kə fərnəkit kəna sətkichu, mənina tə handəkiketə chap chap wa.

²⁴ Kəthlēm ndəkən nja mbwa'anda kuni, chika mə katuni hur hwanda, ma firuni kitsi tepa mbishuni, nan sokta innuni.

²⁵ Paḍ ma thleruni hi kuna hwanda, ma yunə si natuni tənda a hurhandəkiketa, kə kaluni ndəhi, kə thlēm shinnuni ti naka hur afshi nan kala bəbichitfechengnuni kunəhi.

²⁶ Paḍ ma kalawuni bəbichitfechengnanda kandəhiwa, shinnuni hur afshi ngu kala bəbichitfechengnuni kunihwa.

Sahtə kə Dar Alchita Yəso.

²⁷ Ngərkə nda yimta Urshelima. Nak Yəso wi'yandə kapat hura'a Farəhi, pəktat Pərischə tə pəktat maldəmcha fichile la sakang kus tə tərmbandadi, tə fa banita baknda bəḍ'en.

²⁸ Ndangndəwa: "Mbəsku alchit sət ichinatya ayi? Wun fərukə mbanda kə səni kanda?"

²⁹ Ngəməng Yəso kandəwa: "Ni sahami kuni ərtə, ma fərinduni ngəmkən kani bwa'anda kuni ndu wun fərikə alchit ichi nati sətya.

³⁰ Bwa'ami bəskə Yohanna alchit sa Baptisma nofcha ayi mbənda Farə wa, ndu bəḍa nifa?"

³¹ Tərkaakəndə haləi'nda tinnanda mənət ma ndata? Ma ngəmandəm wa bənda Fara, nan ndatwa mə sək fəruchituni kitta Yohanna?

³² Paḍ ma dəndəm wa bənda nifa kanda lechanda nofcha kəthlēm tərəkə nofchuwa, Yohanna tapənəa nakən.

³³ Ndəkən ndandənda Yəso wa: "Sənwanawa. "Ndang Yəso kandəwa: "Njang paḍ ngi mbwa'andakuni ndi tə witə alchit mə la sittə pəktat torchiyawa."

12

Fər Sakət Shunda Dar fa Thlät Hita kə Hurata

¹ Tərkaakə Yəso shunandə kandə tə sakət shundə ndakənwa: "Nifəsə nat hitə inabi ensi, tauraən hi tə thlara, rekən mbət yimmandə hwanchi inabi təkənsi, a tinkən kətən pu hitəkənhar. Fərang na funə fa hudatkən, kana pədāta hachahai somən.

² Saakə farə damhwanchi inabi təkən, thlənəkən mafat'en har ərtə kə mbəda fichile tər kə hitiyu, kəthləm kə thlangndə hwanchi inabi chiyu a hitəkən.

³ Fa tər hitəkən kəsagndə mafadiyu təpangnda, kalkəndəndəhi pədakən har chaa.

⁴ Ngərkə lə hitiyu thlənna mafata kandə somən, erkəndəndi təpangnda in, sangndə ənnat harə fata.

⁵ Ngərkəna thlən yuna, leya pad mbəllangnda. Nakən kichu tə yakat fichile thləntən, funə tə təpangnda kanda funə tə mbəllangndə kanda.

⁶ A tahkən nifə ərtə, hwan lelə mbəntən fatkən ka'ən. A mweshitkən lə hitiyu thlənəkən ndi kə mbədegnanda tə yarəwa kittəkən nanda fəra mwanda hwe'engna.

⁷ Fichile tərəkə hitiyu ndangndandaniwa, Ale na sokta lə hitəkənya a bama bəma bəllanda, kə sok hitəkəna i'nəm.

⁸ Kəssangnda a bəllangnda, muhangndi murrut kənadi kə diffitə hitəkən."

⁹ Sahang Yəso kandəwa: "Saənkunifəwa mənət lə hitiyu sətə? Ni mbwa'anda kuni-nan mbəlandə fa hundechiniyu kə fəraən hitikəna funə somən.

10 Tamwuni changngandə iya hur yarat shi-wuncha Farəwowa? Ngwiyi chertə fatinda sokka kukuwun tinda.

11 Ndəsəta Ləmwandəniyu, paɗ ənat pəɗandə kəmfə hwanichengnəm.

12 Pəktat fatər mbanda yahkəndəsa kəsandə Yəso kəthləm mbəssandəwa fərkən sakət bəbi fa huɗechiniyu kə ɗar inchengnanda. Anakən kanda lechanda nofchi oiyu, kəthləm ndəkən mal-langnda pəɗaknda.

Kwa Chamta Mbəɗa Kaisar:

13 Farəle, thlənkə pəktechə funa hur Farisiyawecha tə nofcha Hiridus, kəthləm kə mbəsangndə chit'hansara Yəso hi, a hur shiwunchi nat na mbuta bah nanda kəsanda.

14 Satengnanda, ndangndəwa: "Maldəm, shi-nani wa sokən ləkitchita. Nofchə uf ərta mbəɗeku yah i'ndekusəwa. Lasakawu mbanda Fara ɗi a ɗar kitchita. Nakənya mbwa'ana kani keekesi kə kwanani chamta bəɗa Kaisar kapat kutura Romacha ndu nga keekesuwa?"

15 Anakən a mbəssa Yəso sakta kohat nofchəkən, ndangnakandəwa: "Kəthləmmə natuni ndəfi kantara mban? Bamiṭən hanndəmbəltə Romawecha kə ni."

16 Ndəkən bəndəndə ərta, sahəkənwə, mirsh-ingngiya tə thləmmə ɗarkənya i wuni?" Ndan-gndəwa: "I Kaisar."

17 Ndan-g Yəso kandəwa: "Fəramna Fara i naka i Fara paɗ fəranguni Kaisar i naka i Kaisar." Pəɗang ənatkən kandəfə ka'ən tə ngəmtə'en.

Sahmi kə Dar Thlata Məmatcha

18 Bak Sadukiyawecha mbæs Yəso, pəktat fa tərmbanda fichile ndakwa thlatəsa diffitə mərtadəwa. Sahangndəmi tə ndatwa:

19 "Maldəm, yarang Musa kus tiya kanisi ndatwa, ma mir hwanman nifə kə hishnifa, meltə nuhnifihi nga hwechi'ensuwa, hwanmankən kə hishnifa nan kəna reta kə ngalaən hwecha hwanmankəntisə məkəyu, kəthləm kədə thləm hwanmankəna mban.

20 Hwanmanchisi mud kə hishcha, hwalat'hwankən thlekən perra, məkən malutə hwehiwa,

21 Chapatakən təkən nuhmurudiyu kə nuhkən, məlan pad məkən malutə hwehiwa. Sokkən kichu tə məkkatakən.

22 Nakna mban kichuyu tubwaən hwanmanchi mudyu malundə hwehiwa. A mweshitmikən bak nuhiyu mərta.

23 Kəthləm ndəkən mbwa'ana kani, a thlata məmatcha nakna nat kə nuh wuni? Kəthləm ufndə mud redndə təndi."

24 Ndang Yəso kandəwa: "Ndəkən sək la suchituni keeke kəthləm sənwuni yarat shunda Faruwa, Pad sənwuni alchita Farəwa.

25 Thlahmbədi nat məmatcha thlata, mwa'u hishcha ret nishchəwa, nishchi pad mwa'u ficha fərkanda kanwa. Naknda soktə nda fathləncha Fara hur'afshi.

26 Dar pathlə thlata məmatcha, awi tamwuni changnganda a hur dəlwercha Musa wowa, a hur kusheng shiwun hurhwelii kəskə hwatyu? Ndatwa njang naka Fara Ibrahim, Ishaku tə pad i' Yakubu."

27 Məlan nga Fara məmatchəwa, i' fa shissh-

ingcha. Shidfduni i'nguchik Keeke."

Kus le Nak Mwanchin

²⁸ Ərta hur maldəmcha fa sakandə kussa Musa dı, thlarkənhi mbənniyu nakna səkkanda halə'i'ndə tə ndani. Mbəssaən təndatwa Yəso fırtə ngəmtə ndiichin, sahkenwa: "Yen kus tənı cheka nat mwanchina hur kuschi ufyə?"

²⁹ Ngəməng Yəso wa: "Le nak mwanchin ndəkən naka, Səkama, Kunang Israilawecha, Ləmwanda Farengnəm məlan ərta na Ləmwandə ndak.

³⁰ Waat kə mbənnəfat Ləmwanda Fareku tə handəkiketəku uf, tə shishshingteku uf, tə yareku uf tə pad alchideku uf.'

³¹ Chapatəkən pad ndəkən naka, 'Kə yahnə le nattuni nduknduk nda i'yahtu i'ndeku.' Nga kussi si mbərangnga fichilehiya tə mwandəwa."

³² Ndəkən ngərəndə maldəmti la sakangnga dəwa: "Keeke mbuutu maldəm. Mbwi nə kittəkən ndatwa Farə ərta yunəsə padwa.

³³ Pad ashini ndiichinsi kə yah fichində tə handəkiketə uf tə mbəssandəngnə uf, tə alchit uf, tə pad kə yahnə fichile natuni nduknduk nda i yahtu i'ndeku. Ndəkən nak ndiichin oi sherada fər us'i'chi tə fər pofənti yahtə ficha hur kustəkən."

³⁴ Kə mbəsəndə Yəso wa nifiniyu a mbəssadə ngəmtə'en tə dathla, ndaənwa: "Nganaku lanngə tə kuturichitta Farəwa. "Diffitə ndəkən yunəsə sək alchit hanndəkiketə kə ngərən sahhami padwa.

Hweya Wun Kərəsti Tiya?

³⁵ Nak Yəso sakandada hur kapat hura'a Fara, sahkenwa: "Təkəni lanat maldəmcha fa sakandə kus Musadı ndatwa, "kərəsti hweya Dauda nakən?

³⁶ Kəthləm Dauda tə i'ndi'en a hur Shemed Chidchid, ndakənwa: "Ləmwanda ndangna Ləmwandengnəwa, sokuhi tə harsəmtengna, kə fari nati ndəf atikrechəuwa ka sarəcheku."

³⁷ Dauda tə i'ndi'en edtəndəwa Ləmwanda, tə kənə natna sokta hwe'en?" Kapat humtəhi kəthləmat tə mbəndəfa.

Mbəramsa Maldəmcha fa Sakadə Kus Təkənadi.

³⁸ A sakandə'enadi ndakənwa: "Mbəramsa maldəmcha fa sakadə kus tə tərbəndadi, la yahkənda witə tə pəktat njelecha, kəthləm kə ndang fichi ənna kandə təmwanda lumocha.

³⁹ Pad la mbərangfata kanda kə mbəsndi mbətsokchi ndiichin a mbət humta Yahudawechihi, tə mbət rəbcha.

⁴⁰ Kandang harəfatsəwa la naknda səmandə i'cha ndəlat nishchi mərtə hishchengnanda, tə hwandə toltol a hur nofcha nda ka fa tərmbanda. Kəthləm ndəkən nanda sat bahtə ka'en."

Fər Poffəna Ndəlat Nuhnifə Mərtə Səmahha.

⁴¹ Sokkə Yəso nduktə yokət ngom hanndəmbəltə a kapat hura'a Fara, nakna nata kəlandə nofchi naka muh hanndəmbəltəngnanda hur yokət fər poffən təkən. Hurrumchi oi muhkə hanndəmbəlchə ka'en.

⁴² A bak nuhnifə lə bahta le mərtə səmahha, somkən mbuthl kopo chap kə hurkən, le sokka pene ərtə.

⁴³ Ak Yəso kimshechi'en kə thləmatkən, ndangna kandəwa: "Kitchitkən nati mbwa'anda kuni, i'fərtə ndəlat nuhhi mərtə səsmahya, mbəranda i'chika wunhi uf.

⁴⁴ Kandang ufya færkænda hur kœnechengnanda, mœllan pad a hur bahtæ'en færtæn uf i'tahangsa nat'en."

13

Mbwi Yæso Witæ i na Kæs Kapat Hura'a Fara

¹ Nak Yæso malæ kapat hura'a Faræhi, ærta hur kimshechi'en ndakænwa: "Maldæm, nu witæ pæktat ngwichiya tæ pæktat tinchiya."

² Ndang Yæso wa: "Nga nednæ pæktat tinchiyawa? Nga yunæsæ natficha mala mbœnniyu chika ærtæwa pad ngwisæ nat ficha mala dar shekkæn nguchitficha wuwellandæhiwa."

Tærka Bahtæhi.

³ Pad sokkænna dar shohla Zaitun le naka kœllaræ kapat hura'a Fara. Bitrus, Yakubu, Yohanna tæ Andarawus bakndæ i'chitnanda bœbweeta sahangndæwa:

⁴ "Mbwa'andæna kani, kwat nat i'chiya sæta? Mænaka sakætkæn na chetæwa a shee faræ sæta i'chiniya?"

⁵ Ngærkæ Yæso sæwa, "Ndæffam i'ndæsi mæ shekdæ yunæ kuniwa.

⁶ Kæthlæm nofchæ oi na bætæ hur thlœmnæ tæ ndatwa, 'njang naka kæræsti.' Nanda læm nofchæ oi.

⁷ Pad ma shikunæ pathlæ mbecha tæ kusheng mbecha, mæ lechiduniwa. Waat i'chiniyu nat kæssæn kichu, pad mweshitkæn sa'u kwandænwa.

⁸ Hœmtæ nan thla'anda hœmtæ fa, kuturichit pad nan thla'anda kuturichita fa. Na ficha sæk hæhærtæ hachahaifa mbechæ somsomæn a kisshita,

tə paɖ na mita natsi. I'chinatoru tərka pwanchə kwadən, mwee funa bata.

⁹ "Kə sokuni tə tahhasəfa ma i'chiniyu tərka thlata. Nanda ndəttəkuni kə mbət sakmicha, paɖ nanda təppanda kuni a mbət humta Yahu-dawechahi, paɖ nuni thlara banitə pəktat nofcha tə kuturcha kəthləm thləmna, paɖ nuni mbəs mba mbwa'a kusheng shunda kandə kə ɖar i'ndengna.

¹⁰ Kəthləm kusheng shundə mbinchin nat ficha tərka ɖassanda həmchə nat.

¹¹ Ma harandə kuni ɖəɖndə tə kuni mbət shunda, mə thla'i hur in'chengnuni kə ɖar i'natuni mbutəwa. Mbwa'am i'mbwa'andə Fara kuni a mbənniyu, kəthləm nga kunang na shundəwa Chidchid tə Shemed ndak na shunda.

¹² Paɖ hwanmanda nan fər hwanmankən kə ɖəlang ficha, Shində paɖ nan fər hwe'en, paɖ hwecha nanda thla'anda parchinandə fa, kə ɖəɖndə kə təkang fichə kandəhi.

¹³ Paɖ chikawun nan cherə kuni kəthləm thləmna. Paɖ le kərəskə kə ndukwatken nan hərəkta.

Sat Pwancha.

¹⁴ "Farəkənbata ma mbishuni ənət təkəmta le na ɖat tə pwancha a thlerhi mbəɖi kamuchiksi, (Lə changngatkən kə sənən): "Fichile naka Yahudiya kə rahnda shohlacha.

¹⁵ Le naka afshi a ɖar kənnda mə tərɖahai kə yimka huriwa nan tər ənwa.

¹⁶ Le naka hi mə ngərɖa huri wa nan tər ənət suptə'enwa.

¹⁷ Ai kəmbəɖa nishcha fichile tə hwechahur tə fichile tə hwecha həsər a hur munchiniyu.

¹⁸ Hwanama mə si ichiniyu a hur mbitəwa.

¹⁹ A thlah mbədiniyu, na pwancha natsi le tamu chit ficha nata kə sət Farə kishita kə bukwewa, paḍ ngu ficha ngərandəwa kə ndukwatken.

²⁰ Manga i'nakən tahha Ləmwandə hanmunchikənhiwa nifəsi na hərəktəwa, Paḍ kəthləm tachikənharti taatən, ndəkən sək tahandən hanmunchikənhi.

²¹ Mənda yuna kuniwa, "Nama, a Kərəstiya, ndu 'məlan taatiyu' mə fəriduni kitsəwa.

²² Kəthləm fa lekchisi na chetakish wa kandang naka kərəsti, tə tapənecha i'lekta, paḍ kənanda sət ənat pəḍandə nifəfa kəthləm kə shekḍangndə nofcha, manan səta chika tachikənhara Fara.

²³ Kə ndəfuni i'ndəsi, mbwa'adi chikama kuni ledya.

²⁴ Diffitə Pwanchini hanmunchiniyu, hwatfarə nan yimta hulta, ndərra'a ngu fər ḍwachitwa,

²⁵ Handərechə paḍ nanda nata həhatta haya afshi, alchita afshi nan həhərtəfa.

²⁶ Dif fitəkən chikawun nannat hweya nifa bata hur hussombə tə kapat alchit tə mwanda.

²⁷ Kana thlən fathlənchi'en kə ngommangndə tachikən'en chika aya hurkishita, thlata ndukwat kukunchi fwada a kishita thlata ndukwat kishitə kə le.

Ənat Sakta Dar Affət Shubwata

²⁸ Nakənya sakam əna ḍar affət shubwata. Ma mbisshuni tirkeetə njarəhi mələ titita, kə sənunisəwa fektə ndukhi.

²⁹ Kichu paḍ, ma neḍnduni ichiya səta kə sənunisəwa bat'en ndukhi mələ mi kəndda.

³⁰ Kitchitkən nati bwa'anda kuni, nadihi nakənya ngu mbərtəhiwa, sema shid i'chinatyu.

³¹ Afshi tē kishita nanda thlērəttadi, pad shundegnə ngu tamta thlērəttadəwa.

Nifəsə Sənkə Farəkən ndu Hanthlikchəkənwa.

³² Pad nifəsə sənke farəkən ndu hanthlikən kurmi fari nat i'chiniyu sətə, chika fathlənchikəna hur afshi ndu hwankən tē'i'ndə'en. Shində sənke ndak.

³³ Nakən sənwuni fari nat farəkəna batwa, sokam tē tahhasəfa.

³⁴ "Bata hweya nifa naknanat nda nifə na sət witə langnga, ma meltə huraahi, saka'en tora mafechi'en, chika wun tē tor'en, ndangna lə pu mimbangkənharwa, kə ndəfən i'ndəsi kə fari natna ngərandə'in.

³⁵ Chika kunang kə ndəfuni i'ndəsi, kəthləm sənwuni fari nat lə hura'a batadəwa, ndu farəhufta, hurdiffitə findəkta, katət bəta, mbahya bingta.

³⁶ Ma bəd kurukchuk mə bida mbəsandə kuni sabweniwa.

³⁷ I la bwa'adi kuni, la bwa'ayi chikawuni kə sokuni tē tahhasəfa."

14

*Ked Pəktechə Mbandə kə Bəlangnda Yəso
(Mt 26:1-5; Lk 22:1-2; Yh 11:45-53)*

¹ Tahkə mundə chap kə safichə chohhəmtala tē i'chi njohma le nguchit mehdəsafi'en. Le nak mwanchina hur pərischa tē maldəmcha fa sakandə kussa di, naknda kat mba kəsandə Yəso bubweeta kəthlēm kə bəlangnda.

² Kəthlēm lə ndakndəwa: "Ngəma sət iya hur njohhəmiyawa, məni nofcha thla'andəhur'i'nda."

Pa'afichə Kwescha Fideta Yəso a Betani

³ Yəso məla Betani hura'a Siman le nat tark-windafi'en soh. Məla dar səm'əna, yimkə nuh-nifəsi tə kwescha kupat tahəstəfichi tə pundala, tə fideta hurkən le nat satə'en mbinchinfə la atfichuwa nardi, la hiikəfichə tə handəbeltə oi, chaən kupadihiyu thləraən fidetkəna Yəso in.

⁴ Nofchi naka mbənniyu səbkə handəkikecheng nandadi tə i sət nuhiyu, ndangndandaniwa: "Kəthlemmə natna səbandə fidedidə lahiitəfichə tə handəbeltə oi kicheya?

⁵ Matə hi'yangfichadiya manaficha mbəs handəbeltə i sherangnga aru kumchit kum məkkan, kə fərangficha fa bahcha." Bokangnda nuhihiyu ka'ən.

⁶ Ndak Yəso wa: "Malamən nuhhiniyu! Kəthlemmə natuni dahandə'in? Shidtə'ən ndiichin.

⁷ Fəbahcha pware a hurnuni, nuni mbəlla kəsandakandəsi chikakwat yahtuni. Pad nga njang tə kuni pwareewa.

⁸ Nuhhiya shidtə i natna mbəla sita. Thləridə fidetafa a tah'sadə fadəngnə kə fari natficha thlo-hita.

⁹ Kitchitkən mbwa'andi kuni, uf mbədi nat nofcha basə kusheng kashunda hur kishitə nat, nanda mbu i sət nuhhiya, kəthlem kə kudufkichəndi."

*Ngəma Yahuda wa Nan Fər Yəso kə Kəsangnda
(Mt 26:14-16; Lk 22:3-6)*

¹⁰ Yahuda Iskaryoti ərta hur kimshecha Yəso kumkəngərənsə chap, dəkna mbəda Pəktat Pəristchəkən kəthləm kə hi'yangka di.

¹¹ Səkkəndə i yahtəna sətə naknda kwala, ndəkən tahsədəfəhiwa nani fərru handəbəlta.

Mbänniyyu ngagtə Yahuda kat mbayi natna hi'ya Yəso kanda.

Yəso tə Kimshechi'en Chiində Njohmə Nga Mehndəfəwa

(Mt 26:17-25; Lk 22:7-14, 21-23; Yh 13:21-30)

¹² Saakə tərka farə chi njohəm chohhəmtala le nguchit mehndəsa fi'en, le lə thlet fichə burat hanshohrata, ndang kimshechi'enwa: "A ai yah-tusi kə tahsukani mbət chi njohəm chohhəm taləkənsi?"

¹³ A thlənəkən kimshechi'en chap ndagnna kadewa: "Dama hur həmta, nuni kəmtə tə nifə mələ rəf bət ama, kurunindi,

¹⁴ uf huri'i yimtən, ndangnguni lə hurikən wa: "Ndak maldəm wa a ai kətən romchi natti chi njohhəm chohhəmtala kanang tə kimshechengna?"

¹⁵ Nan chedə kapat kəndə kuni afshi le taptəficha kə tahsangficha. Mbänniyyu natuni tahsə njohəmkəna kəmsi."

¹⁶ Kimshechiyyu malkədə mbänniyyu pədaknda hur həmta, dəknda mbisandə uf ichi səka nda i mbutə Yəso. Tahsangndə chohhəmtaləkənhi.

¹⁷ Diffitə həmta fara Yəso tə kimshechi'en kum kəngirənsə chap baknda hurikən.

¹⁸ Kanda dər səm'əna, ndak Yəso wa: "Kitchitkən nati mbwa'anda kuni, ərta hurnuni nan hi'itadi, le natani səm'ən təndi."

¹⁹ Kə səktə kimshechi'en kichu səbkə handekiketeng nandadi, tərkaakənda sahandə ərta ərta tə ndatwa: "Njang wa?"

²⁰ Ngərkənsuwa, ərta hurnuni kumkəngərənsi chap le natani səmta hur təbi ərta.

²¹ Andiyya hweya nifə nan bədəta, nda i yarandəfichə kushengkənhi nattə kichu, ai kə

mbəda nifi yahkəsa fər hweya nifa! Kweshkəna ngətufighəndəwa."

Səm Jibi i Ləmwanda

(Mt 26:26-30; Lk 22:14-20; 1 Kr 11:23-25)

²² Naknda dər səm'əna, tərken njohma saən usoko Fara, chichaənhi fərangna kimshechi'en, ndagna kandəwa: "Thlama; leya fadegna."

²³ Diffitəkən tərken təpsat ama, a səkən usoko, a fərangna kanda sakndə ufnda

²⁴ "Leya fwarengna le thlerandidi kəthlem nofchə oi."

²⁵ "Təni mbwa'a kitchitkəna kuni thlatə nakənya kə mban mwaawi sat ənwa magna fari natisat yuwakəna hur mwanda Farə wa."

²⁶ In'kəndə imsha, pədaknda kish kə shohla Zaitun.

Mbwi Yəso Halə'i'ni Nat Bitrussa Hala

(Mt 26:31-35; Lk 22:31-35; Yh 13:36-38)

²⁷ Kanda dər wita ndang Yəso kandəwa: "Uffuni nuni rahta maluni nji i'chitna. Nda i yarandə fichə ndatwa,

'Ni bəlandə la hərəmta,
shohrechikən nanda wuweləhi.'

²⁸ Dək na mban təndandə wa diffitə thlatengna tə shishshingta ni lata Galili mə kunang".

²⁹ Ndag Bitrussa Yəso wa: "Njang ngi maləsəhiwa chika rahkə tahchikən nat."

³⁰ Ndag Yəso Bitrus wa: "Kitchitkən nati mbu'uta fidəkiya kə kukwara dəktə chap nu kurbadə halə ində məkkan tə ndat wa sənunə njiwa."

³¹ Chika tə kichu nak Bitrussa kurbandə mbuta tə alchita ndatwa, chika tənə ficha təkəndəkəmhi

hwaa ngi tamta halə i'ndəwa sənwisəwowa!" Nat-nda ndakndə kichu.

Hwana Yəso Fara hur Getsemani
(Mt 26:36-46; Lk 22:39-46)

³² Ndəkən saatənda mbidə la atfəchiwa Getsemani. Ndangna kimshechi'en wa: "Sokamhi mbidya, kə di hwanda."

³³ Tərkən Bitrus, Yakubu tə Yohanna, tərkaakən sək bahtə ka'ən, mirfat'ennadi.

³⁴ Ndangnakandəwa: "Shisshintengna məlla nat pwanchə ka'ən. Thlaramhi mbidya kə nuni kəlati."

³⁵ Dəkna mban ngudeh həmkənhi hachaya nakna hwandə tə ndatwa: "Ma mbandəsi mə nidi pwene ti naka batyuwa."

³⁶ Ndakənwa: "Papa, Papa, ənsə nak 'yang'yang nga mbədəkuwa. Tərran pwene tidadi fi'engnəya. Chika tə kichu nga i yahti natu sətwa iu'wa."

³⁷ Ndəkən ngərandən ina thlema kimshechi'en dəkna mbəsandə kanda sa bweni. Ndangna Bitrus wa: "Bitrus, nanna sa bweni? Awi nguna mbəlla soktə tolla a kəlat chika i hanthliktə ərtəwa?"

³⁸ Sokam tə tahasəfa kə nuni hwanda kəthləm məhəmiduni hur yah'ichəwa. Paɗ tir shemeda nat təkichu fatkən təruruwa."

³⁹ Ngərkəna ngərandə'in kəthləm kə hwanin, nakne ngərandə shuni shuwuntən soh.

⁴⁰ Ngərkəna bata thlema nanda bakna mbəsandə kanda sabweni, kəthləm uf nda nəhəd bweni hwanichengnandə ka'ən, bəhkəndə i nan nda mbwa'anda.

⁴¹ Ngərkəna thləmatnanda i məkkatəkən, ndangna kandəwa: "Paaya mwakuni sabweni kənuni

yipta? Shik kichu, shee farəkən. A fir fichi hweeya nifa kə hara fa bəbichitfata.

⁴² Thla'ama, tama. nama, nifina hiiyandadaɗi mələnya!"

Kəsafichə Yəso

(Mt 26:47-56; Lk 22:47-53; Yh 18:3-12)

⁴³ Chatkichuyu, kə nanna ngəlandə mi'en, ɓak Yahuda ərta hur kumngərənsə chap təkən tə nofchə oi tə thlohcha tə səssalcha, pəktat pəristcha tə maldəmcha fa sakandə kusadi, tə pəktechi thlenkə kanda.

⁴⁴ Kəthləm nifi hi'yangngadiyu teppa mwe-shandə tə ndatwa: "Le natti mbənfatkənyu məlan naka nifəkən. Kə kəsangnguni kə pəɗuni tənda har."

⁴⁵ Kə saatən ɗəkna mbəs Yəso ndaənwa: "Lə hura'a." Nakna mbənfatkən tə kəmmya.

⁴⁶ Chatkichuyu njo'angnda kəsangnda.

⁴⁷ Ərta hurnandə le nak kit, kətkən thlohtə'en chathlaən thlemata mafata kapat Pərist təkənnadi.

⁴⁸ Nɗang Yəso kandəwa, ɓakuni tə thlohcha tə səssalcha kəthləm kə kəsikuni nda təni hara?

⁴⁹ Hanmunchikən kəm nang tə kuni nja sakandada hur kapat hura'a Fara, nattə kichu kəsiwuniwa. Sək fichə kichuyu kəthləm kə nəhɗang fichə i mbutə laulawatkən.

⁵⁰ Mbənniyu ɓak kimshechi'ena cherəndəfa, rahkənda.

Kimshi'i Rahka

⁵¹ Han kimshasi tə ɗə supta fa, kuwurkən ndi. Njo'angnda,

⁵² məllan mallaən ɗə supkəna kanda, rahkən tamkwəl.

Yəso Mbanitə fa Yarakən hi
(Mt 26:57-68; Lk 22:54-55, 63-71; Yh 18:13-14, 19-24)

⁵³ Mbənniyu Pəḍak ndə tə Yəso kə mbəḍa kapat pərist. Nat pəktat pəristcha tə fambanicha tə maldəmcha fa sakandə kussa di ngomkənda thləmmatkən.

⁵⁴ Bitrus nakan langnga nattəkichu kuwurkənndi, kə hura'a kapat pərist təkən sokkənna thlemat fa pu hurikənhar nakna tək hwata.

⁵⁵ Mbənniyu pəktat pəristcha tə pəktat fasakmichə uf nda naknda kat sakət shuni nanda dəftə kə ḍar Yəso, kəthləm kə mbəsndə kə bəlangnda, nattəkichu mbəsundə mbandəwa.

⁵⁶ Paḍ nofchə oi shuwunkə lekta ḍar i'ndi'en paḍ bu miyengnandə ərtəwa.

⁵⁷ Diffitəkən paḍ thlaakə funə tə lektə kə ḍar i'ndi'en ndatwa:

⁵⁸ "Shikanindi ndatwa, 'ni hokkandə kapat hura'a Farəhi le tintə fichə tə harcha, paḍ hur mundə məkkan ni tinnanda kwarkən nga tə harchəwa."

⁵⁹ Chika tə kichu shundengnandə bu ərtəwa.

⁶⁰ A mbənniyu thlaakə kapat pərist thlarkənhi kit kə hurdifitənanda sahaən mi Yəso tə ndatwa: "Nga ngəmtəkusəwowa? A ḍar witə i'chi mbutə ficha i'ndekuyawowa?"

⁶¹ Ngaskən ba ngərawusəwa. Ngərkə kapat pərist təkənna sahandə paḍ: "Sokən naka Kərəsti, hweya Farəwa?"

⁶² Ndak Yəso wa: "Njang." "Təpaḍ nuni nat hweya nifa ḍassa harsəmta le nak mwanchin mələ batahaya hur afshi hur husomba'a."

⁶³ Ndəkən thlæthlahandə kapat pərist təkən njela'enadi, ndakənwa mənatma ngərkata mbəð'en paði.

⁶⁴ "Səkam witə njir faði sətən: "Mə nattuni?" Uf nda thlangndə kitahi tə ndatwa keekesi kə məkəði.

⁶⁵ Chatkichuyu tərkaakə funa chaha yahtafa, kənanɡndə hwanichi'en, tətəpangndəfa, ndanɡndəwa: "Mbwa'ana kani wun təpkəsa." Fa pu kapat hurikənhar mbwaltakənndi.

*Bitrus Heltə I'ndə tə Ndatwa Sənu tə Yəso wa
(Mt 26:69-75; Lk 18:15-18, 25-27)*

⁶⁶ Bitrus məllan ndassa hachahaya fəlhura'a, bək nuhhwee ərtə hur mafəcha kapat pərist.

⁶⁷ Nakkən Bitrusa tək hwata, nakna kəllandə ndakənwa: "Səkənma, kunang nak tə Yəso Lənarattadiyu."

"Ndaənwa kunang nak tə Yəso Lənarattadiya.

⁶⁸ Pað halkən i'ndə ndakənwa: "Njang sənwi i natu shunda dərkənwa. Pað mbəssawiwa!" Cheknakish kə mi mbanga. Chatkichuyu kukwarkə dəkta.

⁶⁹ Mafat nuhhwaniyu nakənndi, ngərkən ndanda fichile kitkitta mbənniyuwa: "Nifiya məlla hur nanda."

⁷⁰ Ngərkəna halə i'nda.

Toppə kicha pað fichile kitkityu ndangnda Bitruswa: "Kitchitkən səkən pað naku ərtə hur-nanda, kəthləm səkən lə Galiliyawata."

⁷¹ Nakna cherə i'ndi'en kənna nata at'i'chimi tə ndatwa: "Sənwi nifi natuni shunda dərkənwa."

⁷² Chatkichuyu kukwarkə dəkta i chapatəkən. Kuðukkə Bitrus tə shuni mbwa'andə Yəso ndatwa: "Kə kukwara dəktə chap nu kurbəndə

halə i'ndə məkkən ndatwa sununə njiwa." Kə kudəktən shuwunkən chat nakna tita.

15

Yəso Məla Mbanitə Bilatus

(Mt 27:1-2, 11-14; Lk 23:1-5; Yh 18:28-38)

¹ Kənat bəta wenda mbingtə tung, pəktat pəristchikən tə pəktat fambanicha tə maldəmchə fa sakandə kussa Musa dī, tə pəktat fasakmicha tahsangndə hi. Dəkən kənandədə Yəso pədakndə tənda mbaniti Bilatus.

² Sahang Bilatus mi Yəso tə ndatwa: "Sokən naka kutur Yahundaweçəwa?" Ngəmaən'en tə ndatwa: "A mbwinə keeke."

³ Nak pəktat pəristchikənna nata muh hanharkən kə dər i'chə oi.

⁴ Ngərkə Bilatus sahəmi tə ndatwa: "Nga ngəmtəsi natu ngərtəsəwowa? Nu yakat kohat shuwunchi nannda mbutə kə dər i'ndekuyu."

⁵ Yəso paaya ngərausəwa, pəðang ənnatkən Bilatus fa.

Thla Fichə Kiita Yəso i Mərtadi

(Mt 27:15-26; Lk 23:13-25; Yh 18:39--19:16)

⁶ Ma shee farə chohhəmtala Bilatus lakalkən nifəhi ərtə hur pursunacha le sahtənda.

⁷ Hur fa thlahur in'chi pursunayu yunəsə mbəlkəfata le la atfichəwa Barnabas.

⁸ Bak ngom nofchə oi tərkaakəndə hwanandə Bilatus kə saən kandə nda i'səntənhi tə sandə kanda.

⁹ Ndəkən ngəmməndən engnanda: "Yahkunisi kə kallayi kutur Yahundaweçə kuni hiwa?"

¹⁰ Kəthləm mbəssadiwa tə nan'nda sərəhndi, ndəkən nat pəktat pəristchikəna fərndi.

¹¹ Pəktat pəristchikən chikangndə nofchikən, kweshkən kəkalaən Barnabassa kandə hi.

¹² Ngərkə Bilatussa ndanda kandəwa: "Mənati sandə nifi lə atuniwa kutur Yahundachiya?"

¹³ Ngərkəndə hwata tə ndatwa: "Kukanhi!"

¹⁴ Ndang Bilatussa kandəwa: "Kəthlem mi? witə bəbifat mə sətən?"

Chika tə kichu thla'angndə mburat uf ndə tə alchita ndakndəwa: "Kukamən hi!"

¹⁵ Bilatus yəhkənsa təra hur ngom nofchihiyu kalaən Barnabassa kandə hi. Difitə təppi təpandə fathlərhwecha Yəso fərangna kanda kə kukwangndəhi.

Njir Fathlərhwechə Yəso

(Mt 27:27-31; Yh 19:2-3)

¹⁶ Pədak fathlərhwechə təndi kə huri kuturichita, kə hur huri kuturichita, akndə tahət fathlərhwatken nat.

¹⁷ Pangndə njeli kuturichit ngah nda am fi mbillehsheta, tahəskəndə fwa'in ndahha pangnda in.

¹⁸ Tərkaakəndə nda ənna: "Mbwarə shishshingta kə mbədeku kutur Yahundawecha!"

¹⁹ Naknda rərro'a ndəffa'in tə səssala, naknda chahha yahta fa, təpəf naknda kopandəhi wa tənnda fəra mwanda.

²⁰ Kə mweshandəndə njirndi, kətangndə njeli'ihhi fi'en ngah nda am fi mbillehshetyu pangndə ikən. Pədakndə təndə kəthlem kə dənda kukwandəhi dər palita.

Kukwa Fichə Yəso hi

(Mt 27:32-44; Lk 23:26-43; Yh 19:17-27)

21 Kanda ɗar mbərtəhi tə Yəso məlla rəf palitə'en, chat a nifiya lenat thlemkən wa Siman lə Sayirinta, shinnda Alekzanda tə Rufus, mələ bata thlet həmta dəfkəndəndi waat kətərən palita Yəso.

22 Pəɗakndə tə ndi kə mbədi lə atfichəwa Golgota (sakatkən wa mbət təb i'nda").

23 A mbənniyu fərrangndə am'innabi le kurtandəndəhi tə mur, cherkən sata.

24 Kukangndəhi ɗar palita, sakangndə njela'en hi thlərənanda, naknda tata kəthlem kə sənndə i'nat chikawuna mbəsta.

25 Kukangndəhi tə hanthləktə hanherta i'bingta.

26 A yarandə ənat sənəkən kə ɗarkən: "Kutur Yahudawecha."

27 Mbənniyu kukangndə hi tə harchə chap, əta harsəmtə'en əta hishingtə'en.

28 Leya ndəkən na nəhata laulawathi, ndakwa a thləkfichənda hur fa cherə thlən i mbutə kus."

29 Nat nofchi naka mbərtəhi tə mbənniyu, naknda həhrandə i'nda kənnda shuwun bəbi icha ɗar Yəso tə ndatwa: "Yu! sokən ti ndakwa, nu hokandə kappat hura'a Fərəhi paɗ kə tinangna hur munchə məkkan,

30 hərkandən i'ndeku hacha, kə tərnhaya ɗar pali'iya!"

31 Kichu paɗ pəktat pəristcha tə maldəmcha fa sakandə kussa ɗi, lə naknda shuwun njirndi a thlərənanda, lə naknda ndatwa: "Hərkadəfuna: "Ngu hərkandə i'ndi'enwa.

32 Kə tər Kərəsti haya kutur Isra'ilawecha, kə tərkahaya ɗar palikən chetchetya, təkichu natma nata kə fərəmkita ɗarkən." Fichile kukandə fichikandə təndi i'erandəfa.

*Mārta Yəso**(Mt 27:45-56; Lk 23:44-49; Yh 19:28-30)*

³³ Hanthləktə kumkəngərənsi chap i hur fara, ngəlang hultə hachahaikən nat, kə hanthləktə məkan i farəhufta.

³⁴ Kə saatə hanthlikte məkan, tik Yəso tə kapat mburata, ndakənwa: "Eloi, Eloi, lama sabatani?" sakətkən wa: "Ai Fara, Ai Fara, məsək chertunji?"

³⁵ Fichile thlarkə nduk təndi kəsəktəndə kichu ndakndəwa: "Səkama mələ at Iliya."

³⁶ Rahkə yuna hurnanda dəkna tənnandə ən nda hussunnjela'a, tə am tamnda fakkəna səssala, fərangna Yəso kə san, ndakndəwa, "Pwa'ama, kənəm ma na Iliya bata tərandaḥaya dar pali'i'ya."

³⁷ Chatkichu shuwunkə Yəso tə kapat mburata, kannə kalə shishshingtə'ənhi.

³⁸ Kuwuri kəntə fīcha kapat hura'a Fara thlahkən hi chap, thlata dərkən kə kakən.

³⁹ Kapat fathləehwechəkən le nak kitta mbəniyu a kələnda nakən məri'mərtən* ndakənwa: "Kitchitkən nifiya hweya Farə nakən!"

⁴⁰ Nishchəsi thlarkə langnga naka nat kanda nishchəkən nda Maryamu le baka a Magdala, Maryamu man Yakubu le nak nguddeh mə Yusuf†, tə Salomi.

⁴¹ Kandang kuwurkəndə, nadi natnda hachahai Galili, kwirndəndə təpad fərandə mwanda, tə yakat nishchi oiyu dəfkəndə kə Urshelimayu kanda mbənniyu.

* **15:39 15:39** Funə yarechikən ndakndəwa tiď kəna mərta

† **15:40 15:40** Greek cha yaru ndəwa Josephwa yarak nduwa Josés

*Thloh Yəso**(Mt 27:57-61; Lk 23:50-56; Yh 19:38-42)*

⁴² Sək farə hufta, bakna soktə kə farə tahasəfa kəthlēm ishkichitkən farə yipta Yahudawecha,

⁴³ Nifəsi lə atfichəwa Yusufu bakna həmət Ar-matiya, nakən ərta hur fichile lə fərandə fichə mwanda, lenaka pu mwanda Fara, səkən al-chit handəkiketa ndəkna mbənda Bilatus, sahaən murət Yəso.

⁴⁴ Pəđang ənatkən Bilatus fa ndu a teppa mirri, thlənəkən kə angfichile nak mwachina hur fathərhwechəkən, sahaən miya: "Təkit Yəso teppa mirwa?"

⁴⁵ Kə səktən kichu miya kapat fathlərhwechəkən tə ndatwa teppa mirri, fəraən murət fatkəna Yusufu.

⁴⁶ Hiikə Yusufu njeli thlohmurta, təraən fata Yəso haya, fwadaən tə njeli thlohmurundəyu, dəfkəna hur kwata le retficha fa ngwiya. Pwatkən paplata ngəlaən mi kwatkənsi.

⁴⁷ Maryamu le baka a Magdala tə Maryamu man Yusufu nedndə mbədi hunandə ficha.

16*Thlata Yəso kwata**(Mt 28:1-8; Lk 24:1-12; Yh 20:1-10)*

¹ Kə mbərkə farə yipta Yahundaweche hi, Maryamu le baka a Magdala, tə Maryamu man Yakubu, tə Salomi, hiikəndi fidedi nat satə'en mbinchinfa kəthlēm kə dənda pa'anda Yəso fa.

² A farə Lati bingtə tung, kənat fara cheta pəđaknda mi kwatkən.

³ Nangnda ndandandani chiuwa: "Wun na pwatandə paplatkən engnəmađa mi kwatkən?"

⁴ Kə thla'andəndə i'nda nak ndə paplatkən a teppa pwatafichadi nakən mwanchin.

⁵ Kənannda yimta hur kwatkən, nakndə hwankimsha'a das tə harsəmta, tə heddi njela'a pəđang ənatkən kandəfa.

⁶ Nđangna kandəwa mə pəda ənkunifəwa nuni kat Yəso Lənazaratta, le kukkwandəfichəhi. A thle'i, mələnsa mbənniyuwa, kələma mbədi hūnandəficha.

⁷ Dama mbwa'amna kimshechi'en tə Bitrus, təndatwa nan lata Galili mə kandang, mbənniyu nuni nanndi nda i mbwa'a'ndənakuni."

⁸ Nishchəkən pad shekda'ində kanda kandə saktatfa Cheknda kish tə rahta, a hurkwatkən fechengnanda rəptəfa shekda'ində kandə ka'en. Mbwa'aundə əna nifuwa kəthləm kanda lechita.

*Yəso Chedadə Fat'enna Maryamu Magdaliya
(Yh 20:11-18)*

⁹ * [Kə thlattin tə shisshingta fa bingtə tung a farə Lati, tərkaakən bata mbəs Maryamu le baka a Magdala, nuhi rəktə Yəso ləwurchə muda fet'en.

¹⁰ Məlan pad dəkna mbwa'anda fichile natndə tə Yəso soh kana mərta dəkna mbəssandəkanda səb hura tə pad kanda tita.

¹¹ Kə səktəndəwa Yəso məllan tə shisshingta fa, təpad nedtəndi, cherkənda fərkiti.

¹² Diffitə ndəkən chedkən fat'enna mbənda funə chap hurnandə tə witə natsomən, kanda dar pədata thlethəmta.

¹³ Nofchi chapyu ngərangndə'in baknda mbwa'anda tahchikən, chika təkichu fərundə kitsi kə dar i mbutəndəwa.

* **16:9 16:9** A hura yerechi yaratfichə soh ngusuwa chekangficha

*Cheddā Yəso Fat'enna Kimshechi'en Kum-
ngərənsə Ərtə*

(Mt 28:16-20; Lk 24:36-40; Yh 20:19-23; Tf 1:6-8)

¹⁴ Diffitə ndəkən bək Yəso mbəs kimshechi'en kumkəngərənsə ərtə shokndəhi kanda səm dəsəmta, bokkangna kandəhi kə dər bəh fərkitichideng nanda, tə kwaakwaachit handəkiketa, kəthləm cherndə fərkitta dər fichile naknda a diffitə thla'i'thlattən.

¹⁵ Ndagna kandəwa dāma hur kishitə nat kə bəssuni kwescha shunda kə mbəda nofchə nat.

¹⁶ Uf nifi fərkəkit sangfichə baptisma nan hərəkta, pad'le cherkə fərkit na fīcha fəra pwancha.

¹⁷ Na fīcha nat sakət i'chiiya tə mbəda fichile fərkəkit: nanda chandə bəbi ləwurchakissha hur thləmna, nanda shuwun yuwamichə somsomən,

¹⁸ Nanda harə huthlənchahar tə pad' chika witə bəbi i'natma sandə ngu tamta sa ənkanduwa; nanda sa harcha nofcha in fichile nak hahchin nanda kəndadi."

Təra Fichə Yəso kə Afchi

(Lk 24:50-53; Tf 1:9-11)

¹⁹ Diffitə shuni shunandə Ləmwandə Yəso kanda, tərang fīcha afshi, sokkəna har səmta Fara.

²⁰ Pədak kimshechikəna nata basə kwashchə shunda Fara chika ayi, Ləmwanda nakna kəsanda kandəsi. Tə mbəda ənnat sheka inchi nannda sətyu chedkənwa kweshcha shuni nannda bəssəyu bəkna mbəda Fara.]

Boga New Testament Portion Portions of the New Testament in the Boga language of Nigeria

copyright © 2023 The Seed Company in collaboration with Language
Developecs and Bible Translators Association

Language: (Boga)

Contributor: Language Developers and Bible Translators

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-07-02

PDF generated using Haiola and XeLaTeX on 10 Sep 2025 from source files
dated 2 Jul 2025

7ff1e4ab-f55d-5b63-a0cb-c9c683f93166